




歲寒堂存稿

同學諸子論定

錢唐林

璐鹿菴著



傳

陸忠毅公傳

公姓陸氏名培字鯤庭號曰部婁始祖彥端公自汴
州扈蹕而南十三傳至公父吉水公俱爲錢唐人公
同產兄弟六伯曰圻叔曰堦與公先有聲公兒時卽
尚氣決意或小忤輒流涕誓死母喪及大母絕憐愛

之既長。兄弟名益著。與婁東雲間。倡道東南。陳給事
大樽嘗曰。某與陸氏交。如孔融在紀羣間矣。公十六
補諸生。十七娶婦陳。十八吉水公方釋褐。初授永豐
令。豐多逋賦。吉水公伏闕上書。請蠲租。然後到官。公
大母樂里居。吉水公留公侍養。諸父強之行。曰。豫章
多才。可求友讀書。官署兄弟以書下酒。轟飲暢辯聲。
徹垣外。擊柝者遲鈴聲。驚聽歲已卯。歸赴省試。舉於
鄉。公歸拜大母堂下。喜曰。汝父汝叔歌鹿鳴如昨日。
吾年垂八十。猶見汝成名。國恩厚。勉之。明年公成進

士。大母卒。吉水公徒跣奔喪。公亦需次旋里。又明年
辛巳。吉水公歿於南徐。公日行數百里。跪柩前呼號。
動地。手自搏其顙。顙盡腫。更以齒齧臂。血肉淋漓。與
淚俱下。左右莫能仰視。公平居杜門讀書。與同郡名
士摩切爲古文辭。交遍海內。而好引掖後進。卽負才
未登公門者。一郡中耻與爲友。公才高蚤達。丰稜峻
整。嘗冠峩冠。紗覆肩背。然性好面折人過。居恒議論
風生。無所屈撓。邪慝者見公。輒屏氣。躡喘。逡巡避去。
御史中丞潛夫陳公偶忤于俗。公移書疾之。同年生

歲寒堂存稿 卷九
姚公奇。嘗勸止公。公弗善也。嘗與陸君驤武。客秣陵。弔方正學墓。及徐常功臣廟。次戲久之。客贈陸君弓矢。陸方賦詩。公愀然曰。神州坐視陸沉。某鹿鹿無所樹立。以君之才。當上馬殺賊。下馬草露。布差快人意。坐逆旅。日讀史。酣飲經月。一夜覺身漸短。可三四寸。良久。方能引長。歲甲申。逆闖犯闕。北向長號。思攀龍髯。其婦亟止之曰。君素稱讀史。不聞晉宋間事乎。猶有待。未幾。赴建康。拜行人。棲遲冷署。十月。副熊給事汝霖。持節祭淮藩。熊負直諫聲。與公談時事。益扼腕。

明年乙酉。亂兵潰江上。公兄弟奉母居鹽官。公命其子繁。昭從。省會囂然。公遂避入黃山之桐塢。經友人陳君廷會。居握手流涕曰。行將別君。陳君欲止公。公曰。卽死無益國家。聊以塞責。婦勅左右守公。公笑曰。死豈可復生乎。吾母春秋高。當避桃源。抱犢耕矣。闔戶自經。爲客救免。又一夕晨起。呼紙筆。冠帶北向叩頭者五。南向叩頭者三。以襪繩授二僕。再拜笑語之曰。若屬知乃公意。可便相成。遂上大床坐。從容就縊。而卒。凡上書三函。一奉母。一遺兄弟。一別故友。計公

成進士。凡六年。年僅二十有八而死。婦誓死從公。自樓墜地。若有神持之者。又餓經旬不死。姑裘語曰。是天欲生汝也。違天不祥。乃不死。公死未逾年。陳給事就縛。復奮身沉淵。死。御史中丞陳公笑攜妻妾赴激湍死。熊公入閩。鄭逆忌公。沉於海。與子俱死。遷客自海南來云。姚公奇。笥自刎其頭死矣。嗚呼。如四人者。可稱公死友。然同郡王別駕道焜。聞公死亦死。江東贈公謚曰忠毅。而不及道焜。董戶部守諭曰。兩人同死。豈以道焜非進士耶。乃得謚節愍云。

林璿曰。公母初娠時。夢神人羽葆鼓吹。從雲際直墮入懷。始生公。公少時。丰神英毅。博學擅江右。公文成。四方目之曰。西陵體。及登賢書于太傅。忠肅入夢。與語。語甚秘。世莫有能解之者。沈君鼎新暴卒而甦。見公與某某方副冥司。如王新建故事。嗚呼。忠孝人極也。惟不愧乎人。斯乃可以爲神。烏足怪。余故傳之以備修史者採擇焉。

司理溫公傳

溫公名以介號寶忠相國體仁之族弟也丙子舉於鄉更名璜成進士官歛司理公幼孤自襁褓至壯皆稟母教母著家訓數十篇比顏柳母死私諡曰節孝太君凡歲時伏臘或災祥水旱爲文告母歲辛巳大禋斗米值金一鑲羞糟覈爲粒粒恐母驚九原又爲文告母公館於相國最久閉戶讀易語執經者曰聖人且韋編三絕矣研精覃思作易學總論及義卦圖說行藏用舍悉本於易相國在經筵每進講必先諮

公。平。臺。召。對。多。稱。旨。公。曰。主。上。英。明。思。撥。亂。行。相。兄。矣。頃。者。加。意。江。陵。卹。典。兄。知。之。乎。主。上。察。如。神。考。而。廷。臣。猜。忌。如。江。陵。時。較。甚。公。爲。剖。晰。易。理。倚。伏。消。長。之。幾。古。相。臣。之。事。惟。乾。三。四。爻。可。當。之。餘。卦。皆。季。世。君。臣。事。耳。三。四。兩。繇。不。出。危。疑。二。字。而。疑。甚。於。危。兄。盍。預。籌。諸。未。幾。果。爰。立。與。雲。間。義。興。嘉。善。吳。門。相。終。始。中。間。互。爲。是。非。互。相。激。排。凡。八。年。公。告。相。國。毋。隘。毋。疑。相。國。雖。未。必。盡。從。公。公。還。里。相。國。猶。問。訊。不。絕。心。重。公。卓。識。云。公。自。丙。子。三。上。春。官。癸。未。始。第。明。年。

帝。崩。於。煤。山。公。痛。哭。北。向。拜。曰。小。臣。璜。大。行。皇。帝。所。齋。祓。而。登。也。不。能。執。干。戈。衛。社。稷。使。吾。君。蒙。於。難。生。不。如。死。已。而。司。理。歙。州。稱。畿。輔。重。地。頗。聞。建。康。事。歎。息。泣。下。曰。已。矣。繕。甲。兵。爲。城。守。計。大。兵。雲。集。力。不。支。公。集。家。人。告。之。曰。吾。老。矣。幸。生。二。子。吾。將。從。節。孝。地。下。命。蒼。頭。抱。持。去。庶。幾。續。先。人。祀。城。破。公。拔。劍。殺。其。婦。及。妾。更。揮。劍。自。刎。喉。未。斷。吏。卒。哀。之。傳。以。藥。公。怒。手。爬。搔。去。之。劓。甚。七。日。而。死。

林。璐。曰。高。麗。寺。僧。止。水。云。公。平。居。寬。厚。貌。如。長。者。未。

嘗有疾言遽色。死時勇決如此。公同年生關公。鍵爲予言。公與相國最友于。如同懷兄弟。然始終無幾微。攀緣意。年老服官。稟慈訓不少衰。嗚呼。求忠臣者必於孝子之門哉。公二子郊瑞。祁瑞。哀父遺集十二卷。藏於家。

婺州金光傳

故明熹宗時毛帥鎮東江。崇禎七年。政府惑處士策。授謀殺毛帥。帥麾下枕戈泣。又數見疑。斬餉麾下。舊部憤曰。大將軍死。一書生手吾屬。安向遂掠定長山五島。率兵民萬餘航海歸。朝而金君光。客東江。遂北渡。金君者。婺州人也。名光。字公絢。少好學。凡天文地理。遁甲律曆。占卜等書。皆能研究。薄遊海外。縱觀形勝。旣北渡。南望輒淚下。南人爲將領者。客金君。時諸道大帥。求操觚客。卒不得一帥。習知君。召入掌書。

記金君祥許諾惡西僧多雜處乘間逸去國法嚴咎之百又逃縛而大創之抽經筋創愈又逃督捕者請於朝將斬之坐金君燾下帳下爭以酒肉祭君醕酒啖肉大笑曰速殺我先生不能歸魂歸矣帥大驚復請於朝隸麾下凡十年帥倚之如左右手然南望必淚下喜登高山觀日月出一日乘馬登眺西僧躡其後稍選騎相竝望其山形盡白山腰懸紅燈二山忽動跡之乃巨蟒也金君驚將返轡西僧曰無恐馬上鳴鳴作梵語蟒左右自擊其頭而斃金君歸語

人曰吾向惡若曹繼自今毋輕相天下士順治元年從王師入關策馬太息曰吾向冀魂歸今生歸矣中原無主誰爲靈武會章皇帝正位北京從大將軍定太原克延安明年下九江左夢庚迎降降將金聲垣欲得君帥不許其後聲垣叛滅帥戲曰昔從其請汝敗矣君亦戲答曰聲垣不得光故至於敗明年諸帥會帥取湖南叙君功固讓不受官己丑復從軍攻南雄取韶州襲清遠降從化始抵廣州運籌發策軍中無不知有金先生者已而敘平粵功當官三品求

歸隱卒不許君慈祥愷悌謀而善斷粵西陷諸將皆
坐法線國安等東下帥欲拒之金君曰是予敵也急
書榜宥之請於朝未爲晚其後粵西定粵東亦安
潰將感激卽負固如文村者踰十有一年而卒下文
村者明虎賁將軍王興所踞地也扼惠潮諸郡之衝
驍勇善戰以抗王師諸大帥合圍絕其餉道凡三載
困獸猶鬪歲飢文村諸將請於王將軍曰等死耳不
如死敵王將軍仰天而嘆某受國厚恩爵五等當死
汝曹何爲金君逆知之單騎至其營王將軍笑曰久

聞君善謀雖蘇張至豈能作降將軍耶興有言當與
君語語未竟忽一人啓扉突出則東筦王侍郎應華
也侍郎隱鐵崗往來羅浮峯下舟過波羅爲羣賊縛
去王將軍賂賊贖留山中已三載矣與金君有舊相
對瞪目而視王將軍呼二人曰且飲一飲凡三日命
其子出拜指金君曰汝曹善事汝父更把杯眦目撚
鬚降席請曰興死矣興毅魄不死藉汝大書塚前大
明虎賁將軍王興之墓願足矣金君錯愕應曰諾王
將軍退而朝其母偕諸子移館別室呼妻妾飲古桂

下。身。與。妻。竝。席。坐。美。妾。十。五。人。侍。左。右。飲。數。巡。揖。妻。
妾。自。爲。計。王。將。軍。冠。貂。蟬。冠。著。麒。麟。服。遙。叩。頭。謝。母。
畢。入。內。顧。視。妻。妾。皆。就。縊。王。將。軍。釋。服。升。高。解。纆。親。
負。十。六。屍。至。層。樓。畢。復。朝。服。西。向。叩。頭。起。將。勅。印。納。
懷。中。堂。上。懸。虎。顧。彪。圖。素。所。愛。者。亦。裂。置。衣。內。樓。下。
自。蔡。連。珠。砲。轟。然。雷。震。而。歿。明。日。金。君。與。侍。郎。將。其。
母。子。出。曰。興。闔。門。自。焚。亦。忠。臣。也。吾。不。負。死。者。請。於。
帥。如。其。言。以。褒。之。蠻。獍。感。泣。無。敢。有。復。叛。者。而。金。君。
名。益。著。金。君。每。語。人。曰。某。隱。者。也。航。海。而。東。始。願。不。

及。此。時。會。牽。局。有。懷。未。遂。軍。中。利。濟。嘗。戒。止。屠。城。君。
等。視。宋。曹。彬。曹。翰。可。鑑。粵。變。作。竟。死。於。難。

沈長公傳

勝國末有沈君齊賢者。字寤伊。錢唐諸生也。髫年讀書。以尺寸計。執經問難。師爲屢詘。旣長。慨然以濟時爲已。任然性峭直。語不合。輒詈其同舍生。生日。曰。禍生。君曰。固也。君等便如曹蜎。李志。父病。刳臂肉療之。弗起。慟幾絕。嘗送賈棲水。被盜。盜故嘉禾。汎弁也。盜欲殺君。會杭李官舟至。援以免。嘉禾郡丞庇盜。且爲盜。居間。暮夜。餽君金。君不受。久之。分巡浙西者。曲爲盜。讐君。移牒褫君儒衣。君抗辯不屈。李官故持平。

者卒直君丞以譴去一時司刑者目君爲強項生時
流寇充斥震及鳳陽寢園江浙騷動治兵者議登陣
君笑曰寇未至而勞民奚益流涕上書開府謂餉不
知措兵不知用地不知屯民不知恤束於具文畫界
而保以聽寇之蹂躪可乎書入不省君感憤如家事
常被酒入神廟痛哭失聲同行者駭而避去越二年
甲申思陵殉社稷君隨鄉縉紳後哭臨三日不粒食
者經旬復私立木主於里社朝拜畢卽伏地哭署其
楹曰臣身誓死君讐必報社故有雷神猙獰可畏君

怒目叱曰汝亦當爲國捍禦徒金睛赤髮驚里媪乎
閭巷小兒環視而笑君起逐之一市人皆以爲癡家
人飲君飯進肉怒曰此豈食肉時耶更以惡草進家
人矚君苦澁喉不能下咽者笑而去君不時悲啼客
或阻君君曰毋阻我哭哭竟當自止會會稽御史大
夫劉公至君亟往謁扼腕論時事聲淚俱下諸儒咸
白衣冠環坐一生忽私語曰黃巢朱溫恐亦天命君
直前奮拳毆之急逸去乃免一夕客假君舍會食客
故以貲雄鄉里者君笑曰丈夫當散財爲國家效尺

寸。吾視若曹。圈豕耳。拔壁上劍。玩弄起舞。劍光與燭相射。怒指四座。吾當盡取若首。自刎其頭。以酬若客。驚懼匿几下。或逃溷廁。以免鄰。或偶語。恐君知。相示以目。先自前數年。督師汪喬年。發闖祖墓。墓有燈檠。火尚熒熒不息。屍骨腦後。穴一赤蛇。飛而走。迎日吞氣者三。復入墓。發而殲之。君聞之。喜曰。滅寇必矣。及甲申難作。君語人曰。前言豈妄乎。當再俟之。已而南都立。君嘆曰。江左敬仲安在。欲獻策闕下。恥以口舌得官。遂遷迹臯亭山下。又一年。令甲髡髮。君獨方其

頂。告人曰。博士寓四維。猶存是義耳。乙酉。闖入九宮山。謁玄帝廟。神擊之。仆地。爲村農所斃。君不知也。丁亥。北來客過君道。故君躍起曰。神能報君讐乎。吾少時期。爲張代州。今乃不及吳門許秀才。吾其死矣。寢疾數日。執弟之手曰。吾孔孟一綫尚在。語不他及。聲有餘慟而歿。

林璠曰。予過君里。里中父老指揚清祠云。此卽君置木主處也。猶咋舌。姍笑曰。此豈古所稱狂者耶。君壯歲本河圖大衍。而旁及兵法天文律呂。著書三卷。書

成生子。遂命名敬圖。其意深矣。

丁葯園外傳

丁葯園名澎杭之仁和人。也。世奉天方教。戒飲酒。而葯園顧嗜酒。飲至一石。貌益恭。言益謹。人咸異之。詩賦古文詞。自少年未達時。卽名播江左。其後仲弟景鴻。季弟濬。皆以詩名。世目之曰三丁。然香奩艷句。四方閨秀。尤喜讀葯園詩。家有攬雲樓。三丁讀書處也。客乍登樓。葯園伏案上。疑晝寢。迫而視之。方觀書。目去紙僅一寸。客嘲之曰。卿去丁儀。凡幾輩。嗣此得短視名。延陵大姓遣一姬。姬能詩。素誦葯園句。誓曰。主

人令吾自擇配。願得如丁郎足矣。陽羨吳某詭以葑園意請納姬。姬許之。丁有侍兒小字冬青。主謳善鼓琴。主婦不悅。將遣。府吏納千金聘爲婦。里媪知其詐。不以告。久之。延陵姬登舟。泣曰。吾旦夕冀事丁郎。爲幕府。給入掖庭。緣已矣。方扣舷欲墮水。冬青忽至。延陵姬道故。冬青亦泣曰。吾故主人翁相對啼不止。護騎以告。葑園廢寢食者。屢日。郎比部與施大叅愚山。朱觀察荔裳嚴黃門顯亭輩稱燕臺七子。詩名滿京師。吏人竊其牘。換鵝炙。竈下養思。染指不獲。明日訟。

於庭葑園復賜吏人鵝炙。時葑園猶守天方教。同舍郎故以猪肝一片置七箸。吏人以告獲免。上方冊立西宮。念無媚典禮者。調入東省。兼主客。主客卽古典屬國也。貢使至。必譯問主客爲誰。廉知公能詩。以貂皮美玉賂吏人。吏人竊葑園詩。贖之。歸國。長安縉紳以爲榮。晨入東省。侍郎李公奭棠從東出。葑園從中入。瞠目相視。侍郎遣騶卒問訊。葑園偕同官趨謝。侍郎笑曰。是君耶。吾知君短視。奚謝爲。葑園退而笑曰。吾短視。與詩名等。謫居東。崎嶇三千里。郵亭驛壁。

讀遷客詩大喜。后車妾亦喜。曰：得非聞中朝賜環詔耶？蒞園曰：上聖明賜我遊湯沐邑，出關遷客皆才子。此行不患無友。久之渡遼海，望長白諸山，人以魚為飯糧，盡餒而啼。孺子妾慰勞之，曰：卿有友，必簞食迎。若蒞園笑曰：恐如卿言，當先以酒療吾渴。至靖安卜居東岡，躬自飯牛，與牧豎同臥起。然暇輒為詩，詩益溫厚。無遷謫態。國子藩公聞其名，欲枉見。蒞園遲不枉。一日乘牛車入城，車上執周易，猝遇藩公，節低頭，讀易不及避。藩公歸語陸子淵曰：吾今日得

遇蒞園先生矣。子淵問故，藩公曰：此間安有車上讀書傲然不顧若此人者乎？必蒞園無疑也。嗣此西園飛蓋必延蒞園飲酒賦詩，禮為上客。然初至時亦困甚，塞上風刺人骨，秋雨雪，山川林木帶白玉粧，河冰合，常不得汲，樵蘇不至。五日爨無烟，取蘆粟小米和雪齧之。日晡，山鬼遙啼，饑鼯穴語，忽聞扣門聲，翩然有喜童子從隙窺之，虎方以尾擊戶。蒞園危坐自若，臘盡無錢，與遷客磨墨市上書春聯，兒童婦女爭以錢易書。後至者不得快快去，居東凡五遷，家日貧，詩

日富登臨眺覽。供其筆墨。作歸斯軒記。以寓意。友人林璐聞之。曰。卿歸矣。曩者邯鄲道上。呂仙祠。卽盧生授枕處也。仕宦過者。疾馳去。以避不祥。卿典中州試。停車徐步入。道人方坐蒲團不起。卿異之。索筆題壁。曰。向翁乞取還鄉夢。留待凌雲化鶴飛之句。得非詩識耶。貽書報葯園。惘然悟。又一年始歸。果如林生言。

卜者胡生外傳

卜者胡生。名守乾。字清。清新安人也。淹博洽聞。口期期不能卒吐。一足短數寸。而又鬚繞面。目光瞬瞬動。跛行市中。胡生父曰尚英。神宗末舉進士官翰苑。與同門生金公之俊相友善。熹宗時。魏璫用事。數殺戮。諫臣公卿爭爲乾兒義子。隸門下。公曰。吾老矣。安能又爲人兒。璫怒。削籍歸。居臨清。禱於神。夢道士入室。斥胡生。越二年。思陵立。召公復故官。陟宮詹學士。而公卒。胡生年十餘歲矣。外家父杭人也。其母又攜胡

生居杭。閉戶讀書。而顧喜道書。及長。費千金娶婦。婦攜鏤金牀。值百金。每寢。輒有氈帽。老人長尺許。搨胡生足。胡生驚語。母母恐爲祟。亟鬻於市。胡生奉母孝。一不當。伏而受杖。杖畢。叩頭謝母。及抱孫。如故。婦死。母命再娶。胡生娶小婦。而又數學道士。上章拜表。法冠絳衣。鐘鼓劔印。藏櫝中。時時步罡。朝三台北斗。取父所遺笏。執之。家人笑。不置。母怒。不予一錢。數數逐小婦。婦遂去。以故。平居短褐不完。性能飲。無錢沽酒。食乾飯。或無鹽豉。里中少年。從胡生受符籙。度爲

傷搖落。感時念故。作廣恨賦。以見意。其詞曰。試望高原之膻膻。眺平楚之蒼蒼。臨悲風之嘹慄。對白日而魂傷。天道無親。運命誰倚。響絕光沉。山摧嶽圯。混沌蛾眉。淪胥臧否。至如伍員入越。電掣風馳。三江伊邇。虓虎是資。如何讒斐。屬鏤相遺。裹余屍兮。奚惜。抉余目兮。奚遲。又如屈子懷君。江潭削跡。天旣問而難明。尹徒卜而奚適。又如淮陰不死。隆準心憂。相君給繫。女子善謀。千秋萬歲。爲怨難休。若乃洛陽上書。治安有策。鬼神奚事。君王前席。賦鵬鳥其奈何。哀墮馬而

無益及夫龍門感交蠶室禍奇名寃身辱發憤奚施
引班荆兮敘恨述舊聞兮銜悲至如桓桓陳湯六校
共格康居神靈功成薄謫九卿雪名王之怨丞相掩
闕氏之骸又如鬼域方興僭謀肆志漢鼎潛移刀俎
如質一朝駢首大兒小兒朝側目而躑躅客野哭而
淚滋又如漁陽躑躅暉黍噓嘻流離徙倚飄泊無枝
登客筵而起草揆鸚鵡之妙詞豈言語兮階亂就衝
艤以裹屍至若瀘水初渡火井復燃延炎祚者幾祀
幾年一朝星隕五丈原前又如金谷初營維城晚入

弟子學朝斗稍得錢以自給聞相國金公客湖隄喜
曰吾父同門生也往謁之貸錢通刺門者覘其狀愕
然曰若豈貴公子耶立岍上待報相國將出從簾中
望見命門者謝曰吾聞胡某無子胡生怒而退癸丑
火其屋僦一椽奉母無婢胡生執爨火屢燎鬚髮長
跪白阿母曰前此逐小婦誓不嫁願得阿母命名小
婦歸母允其請小婦歸與新婦共操作以奉母胡生
居恆鬱鬱不自得每期期談往事歎曰吾父未達時
歲貢赴廷試同列三人當得丞謁吏部選人三人倚

柱立柱有鐵環吾父戲以手入堂上唱名環鎖指卒不得脫選人日已矣二人得丞去益無聊再入京闈試登賢書明年成進士官翰苑忤璫意罷去而卒受知思陵將入相矣而遽卒數也吾老矣久習康節數無以餬口乃白其母賣卜於城東市

草薦先生傳

草薦先生不知其名字氏族始居豐樂樓徙而之鐵冶嶺經歲不出戶一夕偕客訪其居童子曰方臥薦上未敢通日移晷徑披其帷闚其無人已而牀上有聲警欬覓唾壺狀始盤旋下牀立帳啓露薦語曰天寒甚客從何方來先生裹氈幘加以布帽帽束悅望之頭上長二尺許坐語移時呼童子進酒衣厚如重鎧袖臃腫手不得卒把杯三人擁爐坐望其牀薦高於几迫而數之計二十八簾夫牀高五尺耳受薦二

十八簾。簾以寸計。高二尺八寸。受臥止二尺餘。攀而上。如登山。偃而下。如墜谷。勞矣。無何先生醉。又上薦。臥案上。詩文高與薦等。與客竊而讀之。似不從人間來。客大笑曰。昔司馬子長好遊。故其文口益奇。乃公跼躄戶庭。固以薦上得之者耶。先生踞薦不得坐。忽下牀曰。客惡知我。吾束髮以還。冬月御夾衣。客至嘗剉薦以飼馬。客去徑上牀臥。又數好遊。醉叩舷歌。或墮水。濕衣冰淅淅。衣上不知寒。而日與名公卿賢豪長者相把臂。先生昔遊雲間。識彝仲夏先生。及令子

存古。遊越。師事念臺劉先生。與李官大樽陳先生。又識世培祁先生。文學王懸趾先生。吳門則交葉君聖野。雪苑則交侯君仲衡。毘陵則憚君遜菴。豫章則王君軫石。於浮屠氏乃與南屏豁公久遊。先生又曰。嗚呼。自吾遊至今三十餘年矣。今其人皆已逝。故鄉好友。自陸大行鯤庭殉國死。諸君子三十年間。或出或處。意趣各殊。然南皮北海。分曹賦詩。歲歲脩禊事。以爲娛樂。迄於今。有蟬脫軒冕者。有山林終者。有自髡頂爲僧者。有小草坐寒氈者。有墓木已拱久者。有餽

歲寒堂石種
卷九
口。四。方。金。盡。裘。敝。者。有。樵。悴。且。行。吟。者。吾。老。矣。猶。得。
臥。薦。上。迫。季。秋。輒。益。薦。吾。不。意。竟。益。至。二。十。八。簾。也。
汝。慎。無。言。吾。又。將。臥。於。是。里。中。人。咸。呼。曰。草。薦。先。生。
云。或。曰。先。生。毛。氏。名。先。舒。字。稚。黃。古。錢。唐。人。

琴山樵者傳

琴山樵者姓高氏名雲逸上其字系出宋衛國武烈
王瓊後先世自汴州扈蹕而南家越之山陰遂爲山
陰人其父始移居錢唐山陰有琴山乃更號琴山樵
者不忘舊也高君少慕篆刻搜討古文奇字頓忘饑
疲嘗以意製繡盒堅如石赫蹏爲質丹漆爲綠文錦
爲衣方圓巧妙名聞貢使或累月不出必有新奇在
懷袖間見者謹噪驚問何師高君笑曰吾何師吾夢
師曠易吾耳離婁易吾目公輸易吾手凡吾所爲了

不自知。自縉紳縫掖。以及遊冶少年。爭持金錢。易其
玩好。高君閒雅甚都。悉令將去。偶坐花下。吹洞簫音。
遏雲際。他客效之。輒不如。客乘間請益。高君指簫孔。
言曰。此中律呂。累黍易淆。君等舍本齊末。安得佳閒。
暇無事。好寫花鳥人物。一夕取五色絹。肖貌成形。顧
諸郎君笑曰。吾十指天然筆也。戲作太真舞霓裳。蹠
蹠紙上。令人魂動色飛。於是高士乞東籬圖。文人乞
白驪。或美人圖。尼媪乞繡佛圖。武夫喜圖。羽獵當得。
意時。挽弓弦如作霹靂聲。嘗遊貴人園亭。見靚粧婢。

低頭膝行草間。怪問故婢。泣曰。主婦墮釵。高君慰之。
曰。卿無恐。吾有釵勝若。出袖中釵授婢。主人翁望見。
高君問姓氏。則大喜。是時高君善治骨釵。膩如犀玉。
閨閣靡然從風。一時貴家婦無高氏釵。嗤爲不韻。高
君旣以多技。藉甚吳越間。爭願交歡。高君春日吹簫。
大堤上。同遊者遙望樓上美人。遠數里。高君徐起呼。
童子持吾鏡付客。客從鏡中望美人。或憑欄。或撚花。
或竝肩斜倚。或稚子牽衣。或女奴捧茶。而至相距丈。
餘。眉目裳衣。纖悉可數。客猶以不聞聲爲憾。高君苦

爲人所矚。然又不能謝客。晚年益尚精篆刻。鑿銅切玉。深悔少年雜作戲爲耳。乃日益有名。自言吾可傳者。惟圖章。更著印譜數卷行於世云。

林璐曰。宋文帝時。謂天下五絕。皆出錢唐。徐熙醫術。杜道鞠彈棋。諸筭奕棋。范悅時褚欣遠。模書。然皆一人專一技。高君藝且兼人。雖小道亦足觀矣。文人才子。窮年著書。名或不傳。高君竟以藝成名。嗚呼。丈夫功業不建。而欲以虛名市久遠。古人木牛流馬。皆藝也。又何以傳哉。

劉韓二君列傳

太史公傳貨殖。至比之封君。又曰。一都之邑。其智算必遠。出儒生上。吾友沈麻菴曰。昔之儒生。輕貨殖。今之貨殖。輕儒生。嗚呼。程卓不識長卿。而其女知之。豈獨近今爲然哉。楊椒山先生云。論友于三代以下。當求諸山林農圃工賈之間。余交二君久。賈而儒行。貨殖中君子也。作列傳。

劉君名彩。字霽陽。晉絳州人也。補國學上舍。每間歲。買遷於杭。假館城東沈麻菴氏。余與沈君同應童子。

歷三十年未嘗互通刺每對客訾余曰狂生劉君常
赴鄰人觀伎余中酒詈其坐客大聲疾呼劉君與友
皆避去居數月沈君名余飲密室中劉君窺見驚曰
是故罵坐狂生也主人翁何爲者傾聽移時余與沈
君方據席分韻連浮數大白酒淋漓几上劉君叩門
入曰吾今夕知君矣三人皆大笑劉君曰江南儒生
多浮夸沈君和而介君戇而直君毋詈我日當與君
飲酒

韓君晉臣字瞻五亦絳人也有山水癖喜與儒生遊

性嗜飲自晉至吳驅車三千里載酒車上甕皆五寸
許光可以鑑持以餉余嘗之而甘輒辭謝曰宜酌婦
人韓君更易酒以進遊必掖余與俱春風楊柳秋水
蒹葭刺扁舟登兩峯曼聲長嘯每燕閒問故君何暱
余韓君曰某無他對君飲如已酣暢聆君謦咳都不
類儒生吾乃知曩者之罵坐有以也
林璐曰灌夫罵坐而賈禍余罵坐而獲知己且與沈
君而稱三焉劉君愛沈君詩韓君愛余文僕交友多
矣千里嗜痂亦獨何哉

潘太公傳

公姓潘氏諱瀛賡唐其字先世自滎陽南渡譜燬無考明興有一菴公者卜居錢唐豐樂里猶稱滎陽潘氏是爲公始祖八傳至公父成雋娶陸氏生公母少孤育于外家嵇氏公與兩弟長不識母家兒時大父教以卦畫父嘗蘸酒書几上觀象輒答人稱夙慧年弱冠幼同鄉塾者已舉進士而公尚困童子無慍色聞陸貢士與偕善言易父事之二十七始爲諸生以易教授公年十二喪父厝棺江上乙酉興朝大用兵

晝夜舉砲。江水爲赤。公謀諸婦。號泣募勇敢。并昇先世棺。歸葬祖塋。山行數十里。邏卒猙獰。作攫人狀。暮多虎。不恤也。是時江南新定。大將軍尊而恣斃。營間一犬戍。連閭左。逃人匿民家。立破碎。公有故人奴。爲旗兵。脅稱逃。并逮其主。銀鑄雜治。卽按問口。若吃者。公立門外。驚曰。事急矣。突入大將軍前。呼奴對簿。大將軍怒。欲收公公。曰。某潘秀才也。健兒。脅人奴。危其主。使將軍被惡名。宜付有司。嗣此公牽連逃案。凡二載。經十七鞠。獄卒解而不令。老母知。仁和義和里者。

母家聚族居也。公移家里中。奉母開八十觴。會御史臺旌母門里人。相告陸氏有賢女。於是傾族來稱觴。時陸君與偕。長母三歲。與母敘行輩。蓋從子也。叩首不能起。母命公扶掖侍坐。隅一時傳爲盛事。公家無餘財。然好施予。懿戚有急難。輒以身任之。里中兒負人金。心憐之。輒爲代償。桀黠者乘間愚公。退而笑曰。孰謂乃翁智。公自傷少孤。當母歿。年六十餘矣。日夜作孺子啼。居閒無事。科頭敝衣。引孫坐門限。呼鄰老共語。忽遇貴人奴。叱曰。起爲我通。而主翁公自稱鄰。

老抱孫投比舍去無忤于物如此年七十四以壽終遺一小篋授其子族人以為私藏也啓篋蓋自編十二世統宗圖云

林璐曰公性孝友臥病時聞從弟得疾時時遣其子候牀下弟已死秘不言返報曰尋愈矣則悠然喜平居寬厚雖臧獲無呵詈聲次子醉歸爭里門為監門卒所傷晨起客至請公聲監門罪公笑曰諸君意良厚然監門者能代吾教兒吾頃已報謝矣客慙而去嗚呼公亦可謂善教矣

陳文學傳

國史自帝紀后妃諸臣而下首傳孝義重倫常廣教化也吾鄉耆舊陳君仲雯文章孝友望重月旦既歿而郡邑通誌採以上聞賢子季方復屬予立傳以垂家乘作陳文學傳

君姓陳氏名章光字仲雯其先汴人也宋南渡占籍上虞子姓繁衍呼曰半縣陳祖南洲始徙居武林再傳至斗南翁皆以孝謹聞君為斗南冢嗣弱冠補山陰諸生初君上世祖文成王公親為立傳展家乘肅

拜日王公語不及他。惟稱孝友。吾儕子孫當守此二字。幼時出就外傳。卽知孝親。愉色婉容。終身無間。思陵之季。江南宴安。登樓攬雲。名士立。君揚扈風雅。左提右挈。號爲西陵體。班荆邂逅。坐客常滿。年方壯。卽棄筆研。杜門奉老親。栽花種竹。家無餘財。而性好施予。嘗割宅以棲貧。交曰。使君露宿情。何以堪。晚年棲情恬淡。以家事付諸子。曰。爾能孝。使王父母不缺。其旨足矣。農佃歲凶。較他姓復減什一。每荷鋤耕隴。上鄰佃指曰。此陰德田也。寅卯間。佐贖俘女。畏人知。

之。有詣門叩頭者。曰。爾悞矣。某里中無此人。奉二親至大耋。尚郵書次子。惓惓以不及盡孝爲憾云。丁君葯園。過君閭門。每追悼良友。呼曰。孝子。

林璐曰。君家孫堯相。從余遊。述乃祖行誼。終身不見喜愠。與物無忤。求之古人。其殆徐穉黃憲之流亞與。君喪親時。奉柩出郭門。是時門卒索錢。瞋目相向。望見君鬚髮盡白。作孺子啼。亟啟鑰導以出。毋矟老孝子。與之錢不受而去。昔人謂誠能動物。觀於君益信。

孫長公傳

錢唐林璐 鹿菴

孫長公名士鰲字學海其先東吳王孫也遠祖岳自
 富春徙姚江十餘傳至勝國諱璋者再徙錢唐璋生
 應鵬號曰丹山與從兄忠烈公燧顯名諸生間丹山
 生桂軒再傳至敬軒公一綸公父也母曰沈媪公為
 人倜儻喜任俠言詞慷慨音吐作鐘聲幼時穎異羣
 兒與弟驥入鄉塾得梨棗輒多與弟太公呼問之答
 曰不爾愧為人兄既長從師受訓誥學日進弱冠喪
 母省會災家無孑遺公愈勵志太公愀然曰盡室腹

將餒待汝取青紫。汝母逝矣。將使吾就木以待汝。公聞言驚懼。乃佐父效計。然挾策走四方。喟然曰。吾廢書爲賈。賈多。駟詐罔利。雖比封君。不值一錢。吾年少。持之以平。佐之以廉。將之以信。數年。估客輻輳。爭願交歡。孫長公。錢唐一都會也。饒桑麻山澤之利。儒則被文繡。食秔稻。不屑屑與市人伍。賈則饒竹箭魚鹽。絲枲。倍徵貴賤。公嘗過淮揚。走燕趙。宛洛之區。挾東南百貨。擇人而任。時公或不出。客至如歸。娶婦柴夫人。嫻內則。婦道無愆。太公色喜。已而弟受室。旣成婚。

請析箸。公心知其故。乃佯謝曰。兄有過。當面折。庭諍。何至更燃竈爲。且吾與弟分形同氣。彼不知者。有弟不能和協。而使餬其口於別居。是重吾不友也。竟析箸。心憐之。乃復慰之曰。吾忝爲人兄。弟可來。父不可往。勉修業焉。毋憂。甘旨不數年。母錢盡。公數問遺。未幾。婦死。亟延弟歸。曰。此汝嫂意也。呼酒酌弟。弟亦推誠奉兄。無纖芥憾。公性好施予。解紛排難。決於片言。歲歲季冬。出襦袴以卹寒者。平居食無兼味。衣無純采。教二子親師取友。客至盛陳餽核。達旦轟飲。客或

辭去輒笑曰。門庭尚佇百斛酒。諸君何敗人意。酒酣或語古今忠孝事。扼腕動色。錢唐吳君觀陞者知名士也。公爲女相攸。館甥于室。命少子從之遊。暇則勞問曰。師得無渴乎。乃公少廢書。晚喜讀書。架上遺書供君下酒。甚善。公性至孝。抱孫奉父歡。六十載如一日。太公壽躋百歲。每歲時伏臘。公見諸孫騎竹馬戲庭中。顧謂弟曰。昔者丹山公。聞忠烈公死國。遠遊名山。遇異人。得長生術。以歸。授其子桂軒公。果登上壽。其後曾太父王父。相繼難老。歲星照吾家。豈惟吾父。吾與弟。正無恙也。然公僅六十有六而卒。林璐曰。太史公傳貨殖。而曰千金之家。比一都之君。乃自白圭以下。大率皆姦富耳。猶曰誠壹之所致。何言哉。漢典卜式。以貲取卿相。吾獨怪烈皇帝時中。原盜起。公方壯年。不以此時散家財。助邊而終老巖穴。何也。公豁達大度。素不喜詐卜式。詐也。公羞之矣。鄉遊里中。名聞四方。倘所謂賈而儒行者非耶。

歲寒堂存稿

同學諸子論定

錢唐林

璐鹿菴著

傳

烈婦錢氏陳氏合傳

仁和烈婦錢氏諸生陳世禎之室也。乙酉方馬兵潰散。偕世禎姊陳氏避入富春山。王師下浙江。追方馬兵于江上。遊騎搜捕賊黨。被獲。錢烈婦守三歲。兒走仰天大呼。知不免。躍赴江水。與兒俱死。遊騎亟擁陳

烈婦上馬墜馬者再亂髮委地膚色如玉騎不忍殺也復以好語慰之曰行將送汝歸扶上馬凡六慟哭大罵騎怒甚揮刀磔烈婦驅爲三而去此人哀之埋道傍古槐下同郡王玉汝曰陳烈婦適傳氏壻曰傳天耳畢命時與弟婦錢年皆二十餘錢烈婦死時娠數月矣手一兒腹一兒同殉江魚哀哉

臨海馮氏雙節傳

節母姓陳氏名珍字爾玉諸生馮元鼎之妻也父名學易官河東齏使歸節母偕元鼎奉養十餘年節母年二十九元鼎卒踰兩月舅痛子死亦感疾卒馮屢世仕宦皆廉吏節母拮据治兩喪歲暮盜入室節母趨樓下盜以挺擊人中節母腦流血仆地羣婢掖之避節母忍創伏柩側不肯去而家益落矣節母幼能詩當元鼎之存也閨中唱和清心玉映有林下風驟罹大故手幼子紹祖呱呱而泣長繩祖年十歲次繼

祖七歲茶苦三十有一年。臨疾不肯問醫藥。曰夫死稱未亡人。行將見夫地下。豈更求活耶。獨繼祖早夭。撫孤孫甦。甦成進士十三年。與新婦戴節母同日被旌。

戴節母者繼祖之妻。而陳節母之子婦也。名唐徽。字伯音。陳節母既嫠居。延明經戴景霞。誨繩祖繼祖。肩隨入塾。迥異常。光乃以女字焉。比成婚。甫三載。繼祖以痘卒。生子甦。纔數月耳。從祖爭財。搆孽。節母抱甦泣曰。吾之生也。如敝屣。徒以馮氏一塊肉。在陳節母

憐之。甦能言。卽投書膝上。旣就外傳。不能供饘粥。舅憐甥。遷節母郡城市宅三十金。更鬻簪珥。貸於農。歲歲進子穀以餬口。節母念姑。時時命甦。以履舄甘旨。進未嘗不涕泣。陳節母亦泣問新婦安否。若安得餘錢。而戀戀如此。甦成進士歸。拜母堂下。節母泣曰。汝尙記祖母授書時乎。從子宦滇久。及謀歸。中途寇作。以僞檄阻回。憤恨而卒。卒年六十九。距夫死蓋四十六年云。子甦官至少司寇。

林璐曰。馮氏兩世節婦。在戴淑人爲尤難。姑雖弱一

個。尚。兩。子。侍。養。乃。至。抱。半。歲。孤。兒。作。巾。幘。程。嬰。詎。料。
有。今。日。耶。婦。人。立。身。莫。大。於。節。世。知。有。夫。死。而。節。見。
未。聞。有。夫。存。而。見。節。者。戴。淑。人。家。居。時。孫。永。年。方。娠。
身。與。馬。中。翰。婦。有。指。腹。言。其。後。阻。亂。成。婚。彭。氏。馬。氏。
女。親。見。永。年。伉。儷。旋。里。猶。守。貞。不。字。彭。孺。人。賢。之。請。
于。舅。姑。迎。歸。同。室。嗚。呼。若。馬。孺。人。真。能。以。節。事。夫。者。
也。當。在。滇。時。永。年。有。姊。曰。柔。婚。于。何。凡。入。閨。月。而。壻。
文。鉞。客。死。撫。遺。腹。子。曰。栢。章。至。十。歲。始。攜。歸。拜。舅。姑。
聞。者。亦。爲。泣。下。綱。常。節。義。萃。於。一。門。牽。連。書。之。以。告。
則。幾。矣。天。下。之。爲。節。母。節。嬪。者。能。以。生。死。存。亡。而。不。易。其。心。

頃幾矣。天不之。齋。曾。母。曾。能。皆。論。以。主。孤。亦。寸。而。不。是。其。小。

節婦汪母合傳

節母黃氏大鄆郡西五城人也母邵夢珠生節母小字喜珠年十七歸汪君國正齊年燕婉克嫺婦道舅姑稱焉生男日光裕壻遠遊六年歸而病卒節母年二十七奉其舅姑以婦兼子更以母兼父教其遺孤成立受室於商山吳氏嗚呼母十指竭矣光裕弱冠舉一男日文元不數年光裕賈於楚舟覆而死文元四歲次男嘉元方一歲節母泣告新婦曰未亡人忍死至今日者徒以子存奉兩老人歡也老人既以天

年終而吾再罹此痛汝年二十五復稱嫠婦哀哉命矣夫雖然汝死吾與兩孫俱不得生於是吳節母奉節母拮据育兩子節母年八十有三見孫生子而卒吳節母壽七十六少姑七歲云

林璐曰日十二時而嫠婦視之俱若夜一門兩世姑苦節六十二年新婦僅少十年教養子孫待長夜之復旦嗚呼難矣節母有曾孫曰士杰善屬文請余爲傳故牽連得書

吳節婦傳

林璐曰烈婦不可爲而可爲也節婦可爲而不可爲烈婦不可爲而可爲者迅雷風烈成仁取義於一時節婦可爲而不可爲者非不可爲也淒其孤影歲月滋長年少難年少而無子尤難同郡吳節婦者吾友陳重光第三女也年十七歸諸生吳弘謨爲繼室越二年弘謨死舉一男又死其壻汪士杰曰節婦年十九撫前女及笄歸士杰越七年女病親至士杰家視湯藥歿盡哀攜一女孫去危坐一室二十二年溫恭

孝慈靜默無愠色。其舅爲之立嗣。性不佞佛。若忘平婦。爲尤甚。孤居寡合。友及尼媪。積悲生怨。積怨生恨。尼媪鼓簧轉而邀福。未亡人幼稟父訓。不敢出此。林璐又曰。慎莫謂節婦婦人也。淡泊寧靜。履變能常。澄之不清。搖之不濁。綱常正氣。不欲爲詭異以立名。世之不幸而爲嫠婦者。可以師矣。

馮節母傳

孝廉馮從之母曰吳氏。年十八歸孝廉父曰漢臣。奉寡姑沈惟謹。漢臣家貧。從估客賈於閩。歲一歸具子錢。將母。吳母年二十七。漢臣客死。同行者護櫬歸。姑終夜拊床呼兒。母應聲相和而哭。膝前兒長曰。元徵九歲。幼曰奎。五歲孝廉爲漢臣中子。方七歲。漢臣歿。免身得女。每夜哭。雜以兒啼傷已。旅櫬歸。多遺貨。一夕。爲僕盜去。母卒謀吉穴。葬舅及夫。姑年五十餘。謝曰。吾卽就木。應含笑祝汝。族有掾史某來請繼嗣。願

得孝廉母與姑計。彼能援拯。何惜一兒。掾史以賊敗。更詣母貸金。不應。掾史恚。置孝廉遠塾。秋夏霖雨水。沒府門。孝廉日跣足。負書往返水中者三。以是重得疾。數請還。不許。越一載來歸。母延醫療。治泣曰。苦我兒。母早夜操作。祖屋燬。再奉姑。敝居巷僻。近廁道。無行人。當祖屋初燬時。有賃地者。搆小屋數椽。鬻草履。始進賃金一已。而進賃金三。鬻草履者。忽搆大屋於後。鄰人疑之。謠曰。彼傭掘地得金。母曰。命也。誰與爭乎。已而又災。小屋火。大屋獨不火。母遣人傳教曰。若

再搆小屋。當歲除賃金。置不答。一日更市地。輦大屋而南。曰。咄。發婦將以地。驕乃公耶。母曰。彼視吾。憊弱婦人耳。馮氏當有興者。先為諸兒。新祖屋。露處地上。凡三載。拮据搆木。屋卒落成。草履傭。咋舌而驚。母沉毅善斷。簡靜有志操。嘗雪封曲徑。三日不啟扉。鄰母怪之。升梯而望。聞其聲。乃市菜。置牆上。呼曰。閉戶。良苦得無需菜乎。升梯受之。是時歲凶。道殣相望。菜和糜飲。母拮据奉姑。取糟覈作糗。給諸兒。一日門外有如廁者。上浮米囊。聚鄰人掖之起。見一屍。無元。割

左臂去足。右手指爪銳長數寸。大驚。白於官。丞來按驗。不測其故。忽指母居。問為誰。居人答曰。主婦馮姓。與姑皆發。居丞忽命吏卒毀門入。踞坐呼發。婦出見姑。與婦惶駭。不得已。姑出拜丞。更督促少婦。母大哭。欲投環。頃之母家儒紳畢至。叱丞曰。爾何官。敢驚發婦。將掖丞。赴御史府。丞逃去。乃免。漢臣歿。十有五年而卒。年四十有二。云幼子先殤。長者補諸生。後母死。遺腹女適張。亦死。獨孝廉奉祖母。壽至八十二歲而卒。

林璐曰。孝廉與予話往事。涕輒覆面。母病革時。口嚙臂肉。以刀割之。肉連筋。落母啜湯。問曰。是何肉汁耶。孝廉不應。舅氏外來。驟見之。多口。母聞益痛哭。疾益劇而卒。後有稱其孝者。孝廉面發頰。吾速。母死。吾死。晚矣。余既傳節母。重違孝廉意。故牽連附書。

胡烈婦傳

康熙改元春正月九日新安胡烈婦棄兩歲兒殉夫死其從兄汪子鳴瑞曰古今忠臣孝子其殉其君親於一旦人謂之愚假令女子殉夫亦若是班乎林子曰從同同烈婦姓汪氏小字玉貞名儒汪南炎女也幼時性方嚴不好嬉戲年及笄奉祖母佐家政事無大小輒能斷決十七歸胡生震吉震吉幼喪父其祖孟華請婚於汪成嘉禮越三年生男大祿又二年震吉哭其祖嘔血死初結褵時南炎家貧遣女幸薄新

婦廟見衣布衣椎髻而前獨其祖喜曰此真吾家婦也烈婦識大義既成婚相告戒曰妾九歲喪母鞠於大母君五歲而孤微吾姑微大父母何以至今日雖然一門叔父皆有子而愛君如子非讀書何以慰諸大人比歸寧語祖母曰姑愛兒如女兩叔母亦如之然則叔父母猶兒舅姑也既而祖死震吉素羸弱治喪畢遂不起順治辛丑十月三日震吉死烈婦死而復甦誓必死寡姑護持嚴不得間然私顧兩歲兒泣曰汝何憂值歲除佯爲好客佐始治饌正月九日姑往賀族尊屬謂烈婦曰汝不可行姑以孫從命小婢負而俱比暮歸而烈婦已投繯柩側矣視其裳衣皆密紉啟戶見一籠大書曰付孤子祿兒乃震吉遺書也距壻死凡九十有六日林子曰孰謂烈婦愚方初婚時見諸大人愛震吉震吉死而其憐嫠婦也倍甚烈婦籌之熟矣以爲我卽死而諸大人之撫遺孤也甚於生其慮周其志決嗚呼其愚不可及也已矣

朱氏兩賢母傳

林璐曰。妾毋敢耦嫡。分也。然不限其爲賢。妻子貴。國家錫類推恩。得與嫡並。余傳王孺人而不遺傳母貴。貴賢賢其義一也。

孺人姓王氏。錢唐諸生朱式之妻也。幼處閨中。性愛潔。見人唾涕。輟走。女紅暇。度閣觀書。年十七。于歸。克嫻婦道。姑病。刳臂肉作湯而愈。朱君好學。攻苦。見孺人嫁時裝。多墳史。怪之。孺人笑指別函。此數卷。妾他年當肄業。及之。年未三十。愛獨處。買妾范氏。曰。吾家

食指繁。庶幾廣嗣續。佐中饋也。舅病。隨壻。日夜侍寢。門復割股和藥。不令人知。然宗黨稱孝婦。必曰無如文生妻。文生朱君字也。范生庶子甫五歲。以疾卒。孺人抱庶子而泣曰。兒無啼。吾令汝有母。乃更爲朱君。置筵曰。傅孺人。

傅孺人者。禹航望族女也。歲辛巳來歸。王孺人年三十五矣。素耽清淨。通佛書。質弱多病。傅孺人入門。卽愉色致詞曰。老婦不幸。有狗馬疾。不能鞠庶子。爲內主。羞掖五歲兒來前。曰。拜汝母。孺人頰首受教。久之。

王孺人命攝家政。孺人年十九。內外易之。手范氏子。率先操作。先意承志。敬共匪懈。嫡子婦稍有嫌。其後生子無乳。時嚴寒。輟子乳往哺之。嫡子夭。翁欲析箸。孺人曰。孫尚幼。何以慰死者。庶子將婚。得狂疾欲死。數躍起毆人。獨母至。伏不動。泣語主翁。范母九泉必念此子。顙天寧殤已子。卒時猶牽母裾。孺人痛之。不飲食者彌月。孺人事王孺人。僅五年。教已子如嚴師。有滫母絡秀之遺風。歷二十五年而卒。內外禮之。如嫡云。

蔡孺人傳

孺人蔡氏名捷字步僊候官人也父霖爲諸生早世年十六猶與母黃氏獨居閩俗爲女擇壻壻于支帶金舉祿者占曰貴星也當禍婦家靳與女戊子閩縣林君雲銘舉於鄉越三歲尚無婦請婚于蔡黃夫人曰吾女未字人父先逝門無嗣續豈壻故耶乃以女歸林君孺人少壻七歲幽閒明敏練習家政遇忠孝貞烈輒援筆爲詩歌慷慨激昂林君驚曰卿口脂在手乃能作男兒態耶然性慈惠數孕女年二十四卽

請壻置筵室。戊戌林君成進士。理新安。孺人携妾與俱。己亥海寇作。郡長貳皆登陴。將送孺人。日水寇登陸。無能爲也。指壁上錦囊曰。君家寶劍值百金。忽携之。官得無以此待妾乎。脫不虞。妾誓此矣。寇退。數往讞大獄。抱臬者以失出伏法。孺人惴惴懼。焚香祝天。祈生還故里。辛丑告其壻曰。舅已邀一命。知舅更何所須。耶。君試思之。丁未。裁缺歸。奉其舅居建寧。甘貧隱約。與妾七人共操作。均平當夕。庚戌生子。日沅。妾連氏出也。舅已歿。抱子而言曰。妾喜極而悲。

哀祖不及待。孫甲寅。耿逆稱兵。拷掠宦室。乙卯六月。牽林君。將就戮者。三復錄繫獄。是時沅生六齡矣。伍伯席卷空屋中。二日不得食。垂斃。釋之。孺人灼左臂。籲天。糜爛至寸許。丙辰九月。耿逆降。始出獄。尋其子于萬山中。母子幸無恙。先是乙卯二月。林君夢頭落几案。急抱入懷中。應手飛去。血淋漓几上。覺以語孺人。孺人面如死灰。噤不能語。比相見。聚而哭曰。家破何惜。妾恐君妖夢是踐。林君亦泣曰。吾在獄。至今年八月。晦夢頭復歸。今者吾戴吾頭來矣。携孺走錢唐。

道出仙霞關。孺人嘆曰。昔與君在新安。願生入此關。今更喜得出此關也。寓西陵。辟纪佐林君課子。在閩時。積憂常嘔血。至壬戌。春秋四十有八。以疾卒。易簣時。數顧子。沅淚承睫。不置。諸妾環哭。有嘔血瀕死者。林璐曰。林君爲余言。孺人博通經史。嘗述古今婦德。自黃虞迄今。勒成一書。遭亂盡散失。沅母再舉子。而殤露禱祝天。其語酸楚。不忍聞。沅十三。自撰次母行畧。乞言於璐。嗚呼。孺人有子矣。

馮少君傳

西陵邵君方平。詰配馮少君。前孝廉同野君之季女也。歲庚申。以疾卒。宗黨姬閭聞而哀之。一日。邵君呼余飲。邵君執卮。涕忽覆面。握余手告曰。卿惡人媚妻。作好語。然余妻易簣時。有成言矣。死而有知。願藉君執友林君一言。余笑曰。婦人亦冀身後名乎。且君婦與古賢媛當誰比。邵君則又逡巡謝不敢。良久入。內持數赫蹠。出言曰。此吾婦病時語也。始睹一赫蹠字。畫軟弱。欹斜不整。若少君自書其言。曰。吾年十七。事

汝父。逮事舅姑。雖不孝。嘗勤苦奉顏色。汝弟妹幼小。汝幸有婦。昨夢不吉。得非吾疾將不起耶。又一赫蹏。其言曰。姑臨終從枕上和南。汝賢孝。願汝得婦亦如汝。今吾欲見汝婦。可暫來。凡此皆示兒語也。又出一赫蹏。乃前歲寄夫書。邵君挑燈朗誦泣數行下。其言曰。次姑平日善飯。今得疾。遂不起。君遠遊。吾與大兒拮据治喪畢。君卽歸。不及見矣。雖然。有老姑在。八十老人多憂愁。小媳兒女。誦佛號。呼瞽婦彈琵琶以歡樂之。君探囊中得歸治窀穸。否。又一赫蹏。口授兒書。

其言曰。母臥匝月。數扶掖方起坐。儼似與尸。昔者汝王父。牀簀三載。吾與汝父日親浣滌。視湯藥。老人每呼新婦且去。母爲淚下。今者連歲喪兩大母。吾卽死無所恨。三喪蠟集。可奈何。其一爲邵君自記。其言曰。妾中道棄捐。君當再娶。某氏女賢。願得冰人爲信。因遣老媪傳聞言詣堂上。往復數四。顧余囑曰。妾大母徐。丁年嬰疾。預爲大父結新婚。妾無他哀。兒女猶小也。閱竟漏初下。淒風苦語。酒不能盡。卮避席起曰。觀其言。信其行。不忘舅姑孝也。黽勉持家勤也。爲壻求

歲時堂存私
卷十
婚以燕翼子慈也亦義也賢哉少君更何俟余言乎
謹詮次其語而爲之傳

沈貞女傳

貞女姓沈氏小字琴貞西泠沈昂之女也與兄玉亮
事後母以孝聞貞女幼時通孝經內則諸書聞父兄
談古今節義輒歛容傾聽不置一言退而習女紅危
坐閨中寂無聲父母愛之嘗曰是兒當得佳壻年十
五字姚江陳氏壻曰琪待年凡四載及請期而壻死
貞女默不言潛易縞衣屏斥鉛華父母見之不敢言
私相忖度曰女旣字陳置服以報禮也或曰非制也
遂巡欲探貞女意恐女羞澁輒又止越一載媒妁到

門○貞○女○衣○尚○白○也○踟○躕○顧○盼○間○相○視○以○目○其○兄○玉○亮○
交○遊○甚○盛○間○有○藉○以○求○者○亮○亦○窺○妹○志○輒○佯○言○覆○曰○
能○偶○吾○妹○者○果○何○人○耶○久○之○媒○妁○復○屢○來○貞○女○聞○之○
默○不○言○怏○怏○度○閣○臥○父○母○有○所○問○但○曰○疾○甚○見○耳○不○
聰○幸○無○言○媒○妁○以○是○去○閱○數○月○疾○增○劇○父○兄○握○其○手○
曰○須○臾○骨○月○尚○有○言○乎○貞○女○從○枕○上○作○頰○首○狀○曰○兄○
與○弟○善○事○父○母○妹○死○矣○幸○毋○燬○我○木○兄○玉○亮○曰○妹○果○
將○同○穴○乎○貞○女○曰○是○在○父○兄○矣○壻○死○凡○三○年○而○貞○女○
卒

林璐曰。甚矣貞女之過乎情也。烈女無二夫。爲成婦
者言也。貞女徒以字陳故。凜然自持。若將終身焉。貞
女從容就義。卽同穴。一語待啟口於父兄而已。未嘗
言可不謂貞乎哉。其父計聞於人曰。字陳室女亦重
哀其志而嘉其節云。

沈孝女傳

西陵沈氏孝女陸君有奇之婦也。父曰人驤，母周氏。幼時從父授書，嫺內則，人驤家貧，孝女佐母操作。謂父曰：大人愛兒教習詩，兒貧家女何事咏絮稱耶？十七于歸，壻家貧，嘗出授經，孝女奉舅姑如居室，奉父母時勤十指，助不給食，不敢飽歸，未嘗語父母。其後知之，數詰問，輒笑謝曰：女子多言，似懟舅姑，非孝也。其婉變有節，概如此。母病甚，歸寧侍湯藥，私掩泣曰：父老弟幼，母不可死。猝聞醫者言，序將秋分，必不起。

漏三下。割臂肉作湯進母。但曰。湯好否。母曰。甘。退而俯地。亟呼父曰。兒腹痛欲死矣。父抱持不及察。但覺血漬沾父袂。復慟哭逾時而死。歛時見其創。始知之時。庚申閏八月朔也。年僅二十有三。

林璐曰。余聞孝女死。閭巷皆泣下。儒紳哀而弔之。憐其志也。有議之曰。割股雖孝例不得旌。又曰。父母當此。比食子孫肉。使人效之。世教大壞。又曰。女已歸陸。惜哉。女而不婦。余謂孝女此時。但知有母。不知有他。且孝女止慮母死。并不料身死。善乎陳君芳生之議。低昂其死後哉。

曰。孝女天性勃發。何勞尋行數墨之士。執輕重權衡。

林節母傳

閩宗盟秉柱之母。姓潘氏。名鎰。長樂儒家女也。父曰臨江公。年十八。歸林君作蕭。家貧甚。生秉柱四歲。而作蕭卒。母年二十八矣。拮据治喪畢。秉柱當父在時。每饑啼。母輒飲泣。至是以十指供朝夕。貧欲死。有妹過。唁拊姊背。諷以改適。母泣下沾襟。指秉柱曰。妹何輕言夫死不死。在三尺孤。以貧故事。二夫。即使秉柱他日。若范文正公。姊何以見。亡夫於地下。如是。十一年。霜淒月影。篝燈夜績。哺秉柱讀書。如一日。明年遷

居洋之前邨。復遘閔凶。家難頻仍。母忽忽不樂。又明年遂得血蠱疾。婦人多鬱。雖富貴匹耦者。亦恒有貧。居。嫠。婦。日。在。憂。患。中。鬱。彌。甚。乘。柱。向。余。泣。云。母。苦。節。十餘年。貧不能具甘旨。偶釣於溪。得雙魚。作羹以進。母從病中驚問所自。乘柱以實告。而不禁淚泫泫下也。又一年。節母卒。春秋僅四十云。

林璐曰。貧之於人甚矣哉。士枉道女失身。節母堅貞自矢。而天奪之以年。何哉。夫貧乏至輕也。名節至重也。士君子輕重倒置。當革命事。二姓又何待。妹諷其姊也。節母大節能自為。壽修短奚論焉。

歲寒堂存稿

同學諸子論定

錢唐林

璐鹿菴著

論

伍員

古稱愚忠愚孝何居。蓋謂忠孝不可雜以術也。朕則古有讐其君者乎。日有之。自伍員始。楚平王殺其父兄。員卒以吳入郢。鞭王屍。當是時。員必以為如是而可謂孝也。孟子曰。君之視臣如艸芥。則臣視君如寇。

讐太史公亦曰。棄小義滅大耻。迨謂君臣之義小。而父讐爲大乎。夫殺員父兄者。費無忌也。說者曰。非平王其孰能殺之。員先人伍舉事楚莊王。世世北面臣楚。卽平王信讒殺其臣。振古以來。信讒之君。史不勝書。安得盡如員而報其讐乎。夫欲員忘父兄之讐。員必不可。至於掘墓鞭屍。卽員亦曰。倒行逆施矣。員旣以孝生。亦可以孝死。何不當爾時揚言曰。吾忘父兄。非孝也。爲父兄而戕其君。敢貪餘生。卒伏劍而死。以報漁父女子。并以謝專諸。要離亦無不可。而員又不

能抑何也。蓋其始也。吹簫乞食。其旣也。身相吳國。顯名諸侯。爾時功名可立。時會可安。賢者有時而愚。智者有時而昏。員不免焉。嗚呼。當前王時。王僚可死。慶忌可死。王僚慶忌之死。雖前王死之。而不可謂非員死之也。雖奪人之國。死之。而不可謂非復讐之意。死之也。以覆楚之心。先爲殘吳之策。他人獨無父兄乎。員以爲不如是。則時不遇。讐不復。亦聊以行吾權。以濟吾變。而豈知心事國人。盡知之耶。朕則員不復入荆。而不得不忠于吳者。勢也。亦所以報也。夫越之畏

員員知之員。欲報吳。則何不留其身于委蛇退藏之
中。大臣繫國安危。豈在口舌間哉。徒以直諫。賈禍招
讒。而又托其子。以實讒者之口。不伏劍而死。孝。卒伏
劍而死。忠。是故去楚。爲往。而莫禦之。孝子在吳。爲鬱
而難辯之。忠臣而其心止。可白於天下。後世吾故曰。
忠。孝。不可雜以術。王哀稽紹。宜報讐者也。哀力不能
而徵辟不就。紹爲山公所誤。而卒盡忠。晉室。朕則員
宜如何。出奔他國。終身不爲宗國設一謀。其亦可矣。
何則。讐君不可訓。萬世而費無忌。可殺也。

王安石賈似道

一。日。之。利。萬。世。之。害。聖。人。所。以。惡。言。利。乃。自。古。小。人
之。誤。人。家。國。必。以。利。進。其。始。以。裕。國。便。民。之。策。聳。動
人。主。爲。之。主。者。當。國。計。乏。絕。之。時。驟。聞。其。說。媿。媿。動
聽。舉。而。行。之。府。藏。頓。盈。公。私。並。給。以。爲。其。言。果。可。用。
而。不。料。其。禍。之。至。此。極。也。宋。王。安。石。言。利。之。徒。也。神
宗。時。開。邊。生。事。用。兵。糜。餉。安。石。創。行。青。苗。助。役。均。輸。
諸。新。法。剝。民。奉。上。四。海。困。窮。而。北。宋。遂。展。轉。卒。以。亡。
南。宋。至。淳。祐。寶。祐。間。賈。似。道。首。倡。買。公。田。之。策。劉。良

貴吳勢卿等助之。藉口祖制限田而實以聚歛困民。不數年而三宮北去。陵骨無存。傷已。嗚呼。當神宗之世。承祖宗之積累。天下康寧。土地廣大。此時無王呂等立新法以擾之。天下當不危。南渡以後。小朝廷既不可以國。又加以秦檜韓侂胄史彌遠諸奸相繼耗散國脉。至理度二宗之世。天卽不生。似道宋必亡。似道卽不用事。無補于敗。獨怪江左遊魂苟延殘喘。敵未壓境。民心潰散。以速其亡。而其流禍且歷宋而元而明。以至于今。未艾也。嘗考公田之制。初買之時。以

官品計頃。以品格計數。將官戶田產逾限之數。抽三分之一。回買以充公田。是猶有抑強嫉富之意也。繼而數派。除二百畝以下者免。餘各買三分之一。又後而百畝之家亦不免焉。官吏奉行。率以多買爲功。有不勝任者。知臨安府劉良貴輒劾之。追毀出身。永不收叙。平江嘉興安吉常州鎮江江陰買田皆有專官。而包恢在平江。至以肉刑從事。廖邦傑催督常州。害民特甚。至有本無田。而以歸併抑買自經者。浙西六郡買田多至三百五十餘萬畝。號曰公田。嗚呼。自秦

商君廢井田開阡陌以至於宋幾二千年民俗習之
各田其田各業其業祖父以長其子孫其間雖有多
寡廣狹肥瘠之不同而貧不必忌富不必藏今縱不
能舉井田復之反一旦取民間之田不問可否強進
于公且從而刻減其價石租之田償以十八界會子
四十價錢稍多則給銀絹各半更多則給以度牒告
身准直登仕郎告准卅楮將仕郎告准千楮許赴漕
試校尉告准萬楮承信郎告准萬五千楮承節郎告
准二萬楮安人告准四千楮孺人告准二千楮所得

者虛告而所失者實產雖富民不免于破家失業夫
求國之富不令國有富民可乎哉然而似道之意未
嘗以爲病民也假公田以爲號買之于民非攘奪也
每歲秋租特與饒減有水旱則別議放數民爲官耕
者照例輸租非有多取之名也屈人主之尊以爲田
主田三百五十餘萬畝歲收可得二三百萬石於賦
稅常額之外忽增此數雖天下賢君未有不顧而樂
者如王安石之創興新法詆趙闕道曰君輩只坐不
讀書耳彼且自負其經術作用欺世主而有餘豈知

其流毒至于此哉。夫公田之名。昉於殷周。其時私田并屬公家。故有授田還田之制。非如似道之買私田爲公田也。買私爲公。則田數有定。盈于公必縮于私。名是實非。而猶藉口于公田。執此二字似道之罪。已不勝誅。而又爲立官倉以儲之。分司以主之。官佃以耕之。莊官以督之。比及收租。原額有虧。則取足于田主。或內有饒瘠。及租佃頑惡之類。又從而責換于田主。民產旣去。而獲累無窮。比諸白晝標掠之盜。荼毒閭閻。殆有甚焉。明太祖起兵江南。定天下。興新政。宜

改矣。而銜吳人爲張士誠。死守承元之舊。以此苦之。論者謂明祖開創太平。豁達大度。反以私怨仇其民。似不如漢高復豐。故事不知似道。柄國時苟不作法于涼。後世人主雖極刻薄寡恩。又豈能創此苛政。爲困民計乎。故當明初。公田之稅。每畝至九斗八升。蕪逋賦。至七百九十一萬石。民棄官田而逃者。鄰田一沾足。則執以償其賦。良田皆廢而不耕。宣德間。周文襄公巡按江南。始奏減稅。四斗一升以上。至一石者。減作二斗七升。二斗以上。至四斗者。減作二斗一升。

一斗至二斗者。減作一斗。蘓一府。獲減課七十餘萬石。其絕戶官田。召佃開墾。而薄其賦。照民田例。民命獲甦。然公田之賦。雖減。而所減賦。仍均攤于民田。凡州縣之有公田。其數少者。民田稅輕。其數多者。民田稅重。故至今浙西田賦。輕重錯出。要比浙東爲加浮。蓋自似道變法之後。四百五十餘年。大害雖除。餘毒未止。却笑帖括之制。至草率。至庸陋也。乃自安石以來。天下士子。奉爲矩矱。幾如三綱五典之不可移易。古今之法。其宜革而不革者。又豈少哉。嗚呼。窮則變。

變則通。獨利竇一。開難以遏絕。本朝深仁厚澤。漸被四海。前明江西瑞州臨江之賦。多增至十餘萬。蓋因陳友諒降將。誤書冊籍。以訛傳訛。沿爲定例。至本朝而盡豁除之。則浙西田賦。將來必獲減裁無疑也。昔者范忠貞公開府兩浙。欲奏減矣。顧未竟。厥施而去。以死。舉國傷之。嗚乎。後之來者。其亦體朝廷仁儉。至意舉數百年來。未盡革之弊。一旦清之。毋使忠貞遺愛不獲。再見也。然而難矣。

張永嘉

林子曰。至有明世。宗而天子之大宗絕矣。禮。大宗得祭始祖。始祖功德隆盛。其廟百世不遷。大宗無子。而不爲立嗣。則始祖不祀。故明明他人之子。而必立之。受重。所以尊大宗。承宗廟也。然則當日宜爲武宗立嗣。其不爲武宗立嗣者。何也。嘗考弘治七年。興王之國。安陸州。上皇弟九人。長興王。次岐王。益王。衡王。雍王。壽王。汝王。涇王。榮王。興王。生世宗。年纔十五。其他生子皆幼小。何處得孫。以爲武宗嗣。或曰。子言重大。

宗封內屏藩皆高帝子孫何難擇一支子而入繼哉
愚謂寧藩親屬已絕當時大臣親見其交結羣小冀
入世子爲司香一朝叛滅身死國除天下藩封如寧
王者不知凡幾勢不得不從倫叙以爲準二三輔臣
楊廷和而外梁儲蔣冕厚重少文大行遺詔雖請於
太后而斟酌損益實由內閣當時羣臣感愴泰陵不
能爲孝皇擇孫則且爲昭聖繼子遺詔何不云朕寢
疾不起不能奉承宗廟上侍聖母皇考親弟興獻王
長子聰明仁孝倫叙當嗣可迎取來京爲孝宗皇帝

後卽皇帝位。暫命崇仁王攝興獻王祀。王爲益王子。
亦是倫叙當然。計不出此。而曰倫叙當立。立君耶。
子耶。又曰可遵祖訓。兄終弟及之義。迎取來京。嗣皇
帝位。位者誰之位。耶。太祖太宗相傳之位也。明明繼
統。而其初猶然考孝宗。母昭聖。且夫兄終弟及。爲一
父之子。言也。熹宗崩而信邸入。是爲祖訓。今加諸同
堂兄弟之子。與邸無支子。似奪人之子。以爲己子。微
世宗亦曰。父母可互易。若是耶。他日張桂之言。終得
以進者。由詔草爲之間也。當蔣妃至國門。本生父母。

義無可絕。僅僅惜一帝后。惜一皇字。子爲皇。母爲妃。可乎。不可乎。他日繼統不繼嗣之說。毫無顧忌者。實由慈聖爲之問也。假令永嘉言是議禮之後。與方桂角巾投老。終身不出。猶可自明其無他。明倫一書。階之以取富貴。怙寵肆惡。即使繼統爲正。悖經獻諛。區區善政。亦無取焉。吾獨怪楊文襄。寓書喬白岩云。張生此論。聖人不易。豈禮重大宗行於諸侯。而不施於天子乎。然則宜如何。本生帝后立廟稱親。他日仍封皇次子以奉興祀。庶爲合禮。新都無識。掛漏於詔草。張桂爲帝之私臣。無足論。他日稱宗合饗。躋逆祀配上帝。則又張桂之罪人也。世有爲兩是之說者。余故表而出之。

張江陵

蘇文定云。天下有權臣。有重臣。二者其迹相近而難明。凡爲天下。宜有以養其重臣之威。使天下百官有所畏忌。而緩急之間。能有所堅忍持重。而不可奪。吾嘗據此以論江陵。江陵在時。舉世皆目爲權臣者也。當時羣臣。徒見其外。而不見其內。見其侵天子之權。而不察其所爲。誠有如文定所言者。由今視江陵。似是兩截人。觀其逐新鄭。廢遼王。奪情起復。幾于無上。觀其十五年之經濟。乘得爲之時。優之以才。濟之以。

剛○猛○鷲○而○立○功○名○一○時○廷○臣○無○出○其○右○原其意以爲
非○常○之○任○必○待○非○常○之○人○能○副○之○舉○朝○因○循○玩○愒○方
且○伺○隙○于○我○而○我○無○以○肩○之○則○事○必○不○濟○兩○宮○冲○聖
之○倚○毗○必○不○副○當○時○觀○場○之○人○無○論○已○百○年○以○來○曲
學○腐○儒○動○輒○講○王○霸○辨○義○利○言○體○遺○用○不○察○其○本○末
而○概○以○攬○權○震○主○相○加○卽○起○江○陵○而○責○之○必○不○心○服
夫○世○廟○以○來○無○相○久○矣○生○非○文○武○成○康○而○不○識○救○時
二○字○要○之○孔○子○七○日○誅○少○正○卯○亦○救○時○耳○予以爲逐
新○鄭○廢○遼○王○奪○情○起○復○三○者○罪○之○大○者○也○其○事○載○在

國○史○怙○寵○悖○理○何○疑○焉○雖○然○吾○始○猶○疑○之○使○奪○情○果
真○出○于○上○諸○臣○宜○調○而○劑○之○不○宜○激○遼○王○烏○得○無○罪
江○陵○不○幸○而○隸○其○尺○籍○得○以○私○憾○奏○然○乎○否○乎○逐○新
鄭○是○矣○闖○宮○之○變○或○出○保○之○殘○刻○江○陵○與○新○鄭○無○深
隙○旣○去○而○中○以○赤○族○之○誅○必○不○忍○揆○之○天○理○人○情○必
不○至○此○此○三○者○吾○之○所○以○疑○也○雖○然○吾○寧○信○之○豈○惟
信○之○將○以○責○之○此○其○事○姑○未○辨○洪武初罷丞相以五
品殿閣加部銜加孤卿名之曰閣臣夫閣臣辭臣也
分○其○任○於○六○曹○而○職○司○票○擬○其○不○賢○者○竊○一○人○之○鼻

息以張威福如城狐如社鼠其賢者宮中府中斡旋
調劑上一閣揭回以片言而相之職止此矣功可以
竊而罪可以諉莫閣臣若江陵起而憂之欲舉相職
其進直解進太寶箴進帝鑑圖欲天子敬學進皇陵
碑進寶訓進御札欲天子法祖裁進奉諫營造欲天
子節儉引見賢能欲天子知吏治圖百官于御屏欲
天子體羣臣請大閱欲天子念邊防蠲逋賦欲天子
子庶民絕餽遺戒請託欲天子知大臣法則小臣廉
不寧惟是當江陵官翰死時卽志期公輔四方輔軒

奉使歸者必往爲造請轍迹所至戶口阨塞山川形
勢地利平險人民強弱一一劄而記之肅皇帝二十
餘年間彼親見貴溪分宜交相齟而邊備廢弛天子
縱有所誅殺卒無成功一旦柄國輔十齡天子綢繆
牖戶措意邊防者爲尤至江陵匪直相也而直以相
將將故南北守禦百粵滇蜀必付託得人將帥能効
力者量其才揣其責湔其瑕勵其志鼓之以爵祿假
之以事權凜之以三尺破之以疑畏責之以實效數
萬甲兵藏于胸而指揮乎數千里之外虛懷咨詢削

牘星馳。嘗有數什伯相君。貫乎將士之心。而戴乎將士之首。戰勝攻取。代爲奏藁。當以某事。咨稟功成。凱至。又諭以朝意。當以某辭。入告某策。善後勇怯。強弱進退。疾徐洞若觀火。邊吏奏記政府。命之親書。以毋泄機宜。又必命其書銜。擇其重大窳要者。一一陳說于天子之前。而使至尊。識其勞苦。知其姓名。故能縛大憝。殲羣醜。以奠安中夏者。垂十年。至江陵歿。而享其餘威。以固吾圉者。又二十年。此江陵所爲。舉相職也。用能不遺餘力。以綜庶務。由是而嚴清丈。董驛遞。

度河工。疏餉艘。詢水利。飭學校。覈名實。辨職掌。久視爲具文者。按實行之。攬權震主之外。世所謂益之以操切者也。諸葛君曰。願陛下責臣以實效。不效則治臣之罪。夫旣已有實效矣。兩宮冲聖知之。舉朝知之。而其心未必知之。方其柄國時。惓惓致書賢者。辯明心曲。以爲吾非不知。府天下之怨。旣已肩其任矣。吾欲貽冲聖以安。不專必不一。不斷必不成。十年之間。兩宮冲聖享其逸。江陵處其勞。兩宮冲聖任人。則逸者也。六曹大臣。蔭其逸。猶曰。侵官乃委瑣齷齪者。畏

之。有。才。無。膽。者。如。之。清。正。拘。牽。者。非。之。畏。難。者。怨。之。
迎。合。者。憚。之。道。學。者。忌。之。深。文。排。調。者。疑。之。蜚。語。喧。
騰。且。曰。江。陵。將。反。而。欲。虛。心。衡。斷。其。功。罪。也。胡。可。得。
哉。雖。然。江。陵。三。罪。不。可。以。不。辨。禁。藥。何。地。而。奸。宄。得。
以。闖。入。親。藩。八。議。而。大。臣。不。為。援。請。時。際。晏。安。而。金。
革。何。以。變。禮。卽。欲。曲。為。文。致。而。罪。已。不。容。追。才。大。而。
溢。任。重。而。疎。以。忠。君。愛。國。之。心。而。雜。以。一。切。吐。棄。之。
意。宛。似。權。臣。所。為。嗚。呼。江。陵。直。駭。耳。愚。耳。吾。猶。有。說。
焉。宰。相。為。天。子。統。百。官。如。裘。之。有。領。門。之。有。闌。舟。之。

有。枕。宰。相。重。則。朝。廷。尊。百。務。舉。宰。相。輕。則。朝。廷。卑。事。
權。雜。有。明。二。百。七。十。餘。年。惟。江。陵。能。識。此。意。而。罪。不。
足。以。蔽。功。厥。後。江。陵。歿。而。詆。江。陵。者。非。惟。自。輕。而。卒。
以。誤。國。廟。堂。諸。老。委。蛇。無。建。白。而。使。神。考。輕。宰。相。惡。
諫。官。燕。安。無。忌。礦。使。四。出。官。闈。挾。寵。九。列。無。官。朝。堂。
不。御。封。疆。大。患。惟。帷。無。謀。平。壤。封。貢。辱。國。病。民。以。門。
戶。籌。邊。以。朋。黨。任。將。道。學。呼。朋。僉。玉。引。類。紅。旗。督。戰。
經。撫。不。和。一。誤。再。誤。宦。寺。乘。之。而。國。不。可。為。矣。思。陵。
之。季。撫。髀。思。江。陵。巧。於。固。位。者。卽。貌。為。江。陵。以。欺。主。

上。納。賄。釣。黨。之。外。無。政。事。焉。中。原。崩。裂。使。天。子。降。座。
而。揖。閣。臣。吾。以。爲。後。之。人。可。以。恕。江。陵。矣。

明宦官

宦官之爲禍。漢唐之殷。鑑已極矣。趙宋僅一童貫。關
邊生事。與王黼蔡京相表裏。而北宋卒亡。沿至有明。
而宦官之毒。一綫不斷。如蛛絲馬跡。嗣續肘腋。間明
興七十餘年。至正統而宦官之禍。爲一變。洪武元年。
禁宦官不得典兵預政。文皇親爲太祖子。靖難而後。
用內臣者。史不絕書。用之於市舶。用之以通西南彝。
用之以刺事。因之而創內官監獄。以十九年親信大
臣。如夏原吉者。囚繫於茲。宦官之萌蘖。已滋培於此。

沿至王振而始盡惑上聰導之布武張太后崩三楊
卒手握大權而支解劉球立枷時勉部寺大臣膝行
進謁二百年之士氣首隳於王振上呼爲先生不啻
田令孜之阿父也振自居周公殿中賜宴百官班迎
卒至乘輿播遷幾蹈懷愍徽欽之辱復辟而後肖像
旌忠何以對羣臣何以示天下後世不旋踵而吉祥
發難假令無吳瑾完者禿亮之告變孫鏗馬昂之禦
賊不死於蒙塵而死于奄黨幾與唐莊宗困於伶官
等且夫宦官亦人耳刀鋸之餘種類殊則性情異人

亦有言宦官仇父恩母易喜易怒易哭易笑如馴猫
癡婦如孩童好弄而不知卽有如虺蛇如蜂螫如窮
奇獬豸之狂逞吞籓一朝得志肆毒百端譬諸聚蝎
於浴斛中投入裸臥彼方叫號宛轉而北齊後主正
喜噤而笑樂也下此則憲宗之汪直孝廟之李廣夫
李廣其小者也憲宗時暗時明故汪直時熾時滅沿
至正德而宦官之禍又爲一變谷大用馬永成等八
人朋比導上淫巧而劉瑾爲甚王振汪直合爲一身
荼毒朝臣惴惴難保水旱盜賊災異妖孽遍於海內

亂政五年。而家之積貯。史載黃金三十萬錠。又五萬七千八百兩。元寶銀五百萬錠。又一百五十八萬三千六百兩。寶石二斛。金甲二副。金鈎三千。金銀盪盪五百。蟒衣四百七十襲。牙牌二櫃。穿宮牌五百。袞衣四。八爪金龍盔甲三十。玉印一。玉琴一。玉帶四千一百六十束。可當天下一十餘年田租。加以七人之贖貨。擅權。當時朝野。幾無天日。卽瑾被磔。而武廟之巡遊。寔八人之發縱。十六年間。逆藩兩見。豹房首丘。已爲天祐。世宗入而宦官衰。小小疥癬。稍稱簧鼓。沿至萬曆。而宦官之禍。又爲一變。夫前此之宦官。猶曰彼昏不知也。而神宗實知之。教猱升木。明知其害人。姑且使之。而終信之。二十四年。始命太監張忠往山西。曹金往浙東。趙欽往陝西。各開礦三殿。災而益之。以督稅。當是時。畿輔則李浚。劉洪。馬進朝。楚則陳奉。淮則陳增。魯保。閩則高宗。馬堂。陝則梁永。滇則楊榮。粵則李鳳。遼則高淮。豫章則潘相。李道。加以委官小豎。人百其身。分數十萬之虎狼。蠶食億兆之脂膏。而陳奉。楊榮。梁永。高淮。魯保。高宗。潘相。李道。爲傑出。永與道。

楊榮。梁永。高淮。魯保。高宗。潘相。李道。爲傑出。永與道。

參府臣殺知縣保則司淮鹽兼南浙織造請以應天馬場變價礦稅無利則令民包賠雞豚布疋皆剝削加稅榮虐滇滇人殺之於火厥房奉則奪民田四萬七千畝噪而圍之逃匿楚王府以免宋激變閩海入撫治執都御史於稅署而辱之抱臬憲臣時遭拘繫朝廷若罔聞也者重以淮之無將言邊事劾大帥招納亡命寒月行兵擅市彝馬勒堡軍和買民避其殘相率走口外以資敵北兵五千猝至撫順率參珠價橫挑強隣邊釁日起比召還假以進方物率練甲將

至國門上大驚亟止之至若相之毆宗室誣守臣抑又末已自丙申至壬寅聖體違和詔罷礦稅甫安悔之嗣此終萬曆之世無不注意厲民民真窮財真盡士氣真餒營伍真疲然後舉以授一月之元子再舉以授七載之神孫讀史至天啓而宦官之禍非值一變也日月倒行天地易位生殺予奪止一上公武皇能用劉瑾卽能誅劉瑾魏忠賢善用熹宗者也天生下愚木偶虛位一朝燄盡元惡大憝授首於撥亂之恩陵竊謂宦官之禍自此息矣乃不數年而又一變

焦勞宵旰。豈乏良臣。猜疑偏拘。中無定見。遭時孔急。不得已而用之。監軍用之。督戰用之。理部事用之。催餉課稅。最後用之。守城闖賊至。而開門迎降。大呼曰。我輩富貴。仍在天耶。人耶。罪不止在宦官。而宦官遂與國運相終始。獨怪信邸初入。附璫奸黨。瞭然于胸。不於此時。斬殺追盡。以慰楊左之忠魂。南渡浮萍。定策於死。奄之乾兒。義子。天若爲忠賢報復者。有國者。可不戒哉。

合葬先父母祭文

不肖男生三十有六年。始析箸養父。得供甘旨者。僅十閱月餘。皆父母飲我食。我父歿未及夕。母忽病頭風。失明歷十有二年。老人不能辨晨夕。心實痛焉。及焚巢露宿。母歿焦土前。數年弟之婦死。孫男死。孫男婦又死。繼自今。長男婦後姑。六月死。又三年一孫死。凡十有七年。歷六喪。人生幾何。萃此悲哀。哭泣也。親故日益彫交。際日益滴。飢寒疾病。日益滋。不肖男頭顱如雪。猶拮据以食其子。尚不得爲人父。以食于子。

今者幸父母同穴矣。兩男各得孫。尚祈祐之以保我
后生。

祭內子王氏文

嗚呼。憶鸚鵡叩頭乞食時。淚未嘗不涔涔下也。君逮
事舅與姑。歷三十一年。茹荼如薺。舉臧獲。廝養所不
能爲者。而君盡兼之。吾惡人媚妻。作好語。然心嘗怛
怛動。今者垂老別矣。客死農家。薄棺如紙。屈指十易
星霜。而適錢女死。第三子死。第二子又死。未知泉下
如生時相聚否。曩者焚居一里。胥視鸚鵡。告余曰。物
亦貪生。奈何焚死。攜至徐君大文所。吾每過徐君。鸚
鵡作叩頭狀。輟箸哭泣。徐君遮面。慘阻不樂。嗚呼。十

歲時廣雅卷十一
年以前君百結鶉衣與子女共嘗惡草鸚鵡牕前乞食歡笑噴飯猶是吾家全盛時也今豈可復得耶君去舅姑墓咫尺姑目盲君尚引掖之

祭男鎮文

嗚呼痛哉汝亡幾日矣汝兄及弟告予日月將晦無錢市冥鏹汝篋中尚藏錢十二文市蔬果不給汝妹以鵝炙祀汝汝叔以冥鏹資汝汝父迴腸寸裂搗管瀉淚告汝鎮之靈曰嗚呼痛哉汝亡幾日矣汝鬼冷而目不瞑淚痕熒熒泚雙睫吾冀夢魂中與汝遇而汝不我顧嗚呼痛哉吾陡沉顛沛中凡五年癸丑焚居瀕死汝兄痼疾待死踰三月汝祖母死踰六月汝母又死焉計汝母死吾與汝從饑寒疾病中得稱無

歲寒堂存稿 卷十一
恙。庶。幾。留。未。死。之。骨。肉。者。凡。三。年。三。十。有。四。日。而。汝。又。死。嗚。呼。痛。哉。死。者。人。之。所。必。有。也。悠。悠。蒼。天。降。虐。於。我。爲。一。家。哭。從。三。年。三。十。有。四。日。汝。與。兄。及。弟。寢。如。豕。圈。食。比。糟。覈。絮。墮。衣。縫。中。僅。吾。與。汝。外。裏。一。完。衣。作。儒。者。狀。汝。父。悲。歌。慷。慨。動。爲。安。居。樂。業。者。所。誚。讓。無。肺。腑。骨。肉。友。及。有。氣。力。者。相。援。拯。天。幸。憐。吾。日。坐。塾。中。月。俸。一。千。止。可。佐。縣。官。出。丁。錢。輸。間。架。僱。夫。役。墳。墓。祭。掃。不。以。時。而。不。能。以。食。果。汝。腹。以。衣。蔽。汝。體。嗚。呼。痛。哉。吾。暮。而。入。問。汝。曹。得。食。否。有。鹽。豉。否。應。

日。有。則。繼。問。曰。客。幾。個。來。汝。曹。何。往。應。曰。無。則。頻。願。加。額。長。嘆。數。聲。而。寢。吾。朝。而。出。問。汝。曹。有。薪。否。縫。裳。補。履。得。現。錢。否。應。曰。能。則。昂。首。而。行。軒。軒。如。得。意。狀。應。曰。不。能。則。出。而。復。入。俯。首。作。思。而。實。無。策。朝。朝。暮。暮。吾。已。不。覺。歲。月。淪。胥。凡。三。年。三。十。有。四。日。也。今。年。五。月。汝。姊。死。吾。與。汝。哭。之。慟。七。月。朔。汝。再。從。兄。死。汝。告。吾。曰。三。房。共。一。子。祀。餒。矣。可。若。何。吾。告。汝。伯。曰。吾。幸。有。數。子。惟。汝。好。讀。書。行。誼。醇。正。天。或。者。憐。吾。衰。宗。以。大。門。戶。在。此。子。矣。越。十。有。八。日。而。汝。又。死。嗚。呼。痛。

哉。汝。曳。無。底。履。行。風。雪。中。寒。噤。擊。齧。汝。無。錢。市。紙。筆。
片。楮。禿。穎。藏。破。籠。中。汝。無。母。裳。衣。垢。敝。和。灰。自。澣。倩。
鄰。姥。補。綴。三。年。三。十。有。四。日。爲。歎。幾。何。而。今。已。矣。嗚。
呼。痛。哉。汝。死。三。日。醫。者。云。冬。積。寒。夏。發。熱。必。死。吾。檢。
汝。敝。絮。凡。四。年。矣。其。寒。也。夜。以。繼。日。而。吾。不。能。以。綿。
溫。汝。縱。悲。汝。哭。汝。奚。益。嗚。呼。秋。風。秋。雨。竟。棲。何。所。汝。
父。無。衣。食。以。安。生。者。無。安。處。以。容。一。身。更。無。人。焉。可。
以。告。語。惟。此。有。餘。之。淚。揮。之。不。窮。掬。之。不。竭。汝。竟。歸。
來。夢。中。慰。我。嗚。呼。痛。哉。

告竈神文

并序

歲乙卯。竈廚磁碗。泠泠作響。迫而聽之。餘音尚嫋。
嫋。碗不能鳴。疑有祟焉。或曰。竈無牖。神無所棲。
碗聲嗚嗚。神其示悲乎。抑怒也。一僕寢釜側。恐不。
潔。觸神乎。某乃咨嗟太息。爲文以告神曰。

神其苦無棲耶。方某焚居。神遷何所。神其蒙不潔耶。
驅僕露宿。彼亦人子。神其欲寧宇耶。易衣併食。力不。
我與茫茫宇宙。莫愚於人。惟神則靈。人之有無。駟詐。
可匿於人。而不能匿於神。則惟神之實臨汝也。某曩

有室廬足蔽風雨。然妻子不免饑寒。迄於今。神視某何若。啓其戶。無牀。無几。無器。傾其筐。無短衣。襦袴。窺其甕。無鹽。豉。無醢醬。問其藏。無墳。史圖籍。無居。可爲巢。可營窟。無紙筆。可結繩。有時無米。可茹毛。飲血。若是者。人未必知。卽知之。亦莫予肯顧也。神應知我。築一室如斗大。牖當北。泣於斯。寢於斯。飡飲於斯。聚厠溷於斯。夏則飼蚊。冬則醞蝨。幼女悲啼。羣兒聲咽。若是者。某所自憐也。神應憐我。且某之死喪亦盡矣。懼焚死而不死。閱三月。母感寒疾死。踰六月。妻感炎

暑死。犬子痼疾。囚之牀簣間。凡四年而待死。若是者。吾不知愛憎好惡。哀某與否。神應哀我。枕之鳴。神耶。崇耶。悲耶。怒耶。抑罰有餘。辜耶。神之靈。可以警人之有。而不能憎人之無。可以懲人之樂。而不必益人之憂。且神可以司善惡。而不能代人佐緩急。可以觀成敗。而不能爲人先告語。某饑寒驅迫。命似草菅。神處貧家。難如富室。將恐將懼。相驚無益。天再肆虐。辭之不得。神視吾家。棺比如櫛。鬼若崇吾。司命驅殛。媚寵無能。將捫朕舌。

毛女孝貞議

遂安毛君際可有女名孟字同邑方君象瑛之子曰
奕昭奕昭奉父命就婚祥符官舍時已疾亟結襦甫
三日辭居外舍毛女侍湯藥百計療之罔效遂卒嗚
呼以三日之同衾待他年之同穴女年十七歲月長
矣自父母及國人未有不憐而哀之者方壻病革時
毛女數不食欲自裁傅母守之不果又數月寅夜墮
樓期以必死而卒不死自親鄰以及國人哀而敬之
曰此貞女也西陵林璐曰昔者吾鄉有大姓女旣聘

聞夫死卽登樓毀靚粧題詩於枕抱枕之夫家哭而入執婦道終身焉若毛女者成婦已三日矣吾聞毛女絕食時父勸之食則食私室淚縱橫母至則亂以他語父以卓異徵而謠詠適至復爲好言愉色以慰解之蓋孝女也或曰其墮樓也何居余曰此其所以爲孝也夫婦大倫須臾百年使新婦獨歸侍舅姑一日生存貽父母舅姑之感也滋甚推其志從夫地下庶幾割愛於不聞乎今而後宜曰孝貞以待他年之棹楔焉是爲議

杜少陵諸葛武侯祠辨

郭外村落有鄉曰良渚丙辰水泛溢余乘舟至一橋迴溜激舟舟人呼曰杜甫橋余惘然不覺也過田家見持雞豚賽神余問何之輒指曰前有杜甫廟夫少陵雖曾遊吳越此地僻壤多農夫未聞有高人隱士托足于茲豈前代慕其爲人而祠之歟獨是千古詩人忽受村農祈禱寃矣問之僧又茫無以應歸大飲酒餽餘賦詩弔之今年春有事于良山東麓卽南渡宸遊看新綠處也巍然有諸葛廟在焉當三分時武

侯相蜀錢塘為吳地安得以土神祠之意必諸葛子
 瑜訛而為臥龍耳千百年來未知果兄果弟吾意良
 渚必無少陵而今也實有少陵艮山必有子瑜而今
 也實無子瑜幻矣余乘舟渡良渚而南土人呼其地
 為狗葬余笑曰狗有嗣乎土人曰相傳宋丞相檜葬
 此人惡之沿是名今且交指為狗也嗚呼人世變態
 兩覆雲騰卽祠廟或有或無不可知文章節義蓋可
 忽乎哉

歲寒堂存稿

同學諸子論定

錢唐林 璐鹿菴著

銘

應孺人墓誌銘

同郡諸生孫泓之婦應氏卒其叔姑沈夫人吾友鄉
 貢進士窳菴妹也昔余刻歲寒集夫人奉金一鍰購
 二冊以歸心竊奇之其後窳菴云妹夫婦丙夜誦君
 文當快心處輒曰是可辟瘴今年春窳菴又曰妹有

猶子婦賢孝而夭。痛傷於心。欲延僧作佛事。恐無益。冀得君一言以慰地下。於是孫子百斯果將其內子之命來乞言。余驚喜却立曰。夫人亦知其乎。古今女子若崔圓妻杜祁公女陳同甫之婦。皆爲夫爲親乞言不朽。未聞有施及卑幼者。夫人誠何心哉。按狀爲夫人所撰次。閨中瑣細悉皆件繫。其畧云。婦姓應氏。仁和臨平人。父大觀邑諸生。母張氏。富而無子。年七歲。擇壻。字余姪泓。又十年來歸。幽閒貞靜。儉勤中禮。若不知爲富家女者。寒家守先姑訓。不忍析箸。余于

歸十有餘年。猶隨家婦。後服勞操作。奉姑甘旨。自婦來歸。昧爽而朝。鐘聲而退。襄余妯娌。纖悉必盡。善性慈惠。寡言笑。家有故物失去。私市其相似者充下。陳曰。毋使主翁重撻婢也。母家歲遺匹縑。先奉上而逮下。均平輕重。分餉無遺。歲庚申。有先姑之喪。婦佐姑當大事。情文交至。明年產一兒。替慧可愛。甫晬盤而殤。怏怏滋不悅。先是婦多病。念其父。兩遭王父母喪。哀毀病劇。河水枯涸。僮僕重繭百里。聞無恙。則稍舒眉。已而淚又承睫。恨爲女不爲男。抱終天痛。可若何。

甲子七月。父訃至。婦坐蓐。匿不以告。產一男。乳於別室。喉間重得疾。余往視之。糗糊作呼耶聲。所產子又殤。乳媪潛抱鄰人兒。簪花衣錦以給之。亦弗顧。八月當鄉北。猶瞠目語其夫曰。勉之。毋以妾爲念。一夕僮僕語泄。知父歿。乃大慟。婦神魂已離。進飲食弗許。進藥弗許。口中多瘡。瘡悲聲嗚咽。拂衽席起坐。竟卒。沈夫人備錄如此。余嘗謂人生娶婦。移其孝父母者。轉而孝於舅姑。事長慈衆。和於家室。此亦至庸至常之事。求之比戶。更如景星慶雲。不易多覩。孫子百斯。爲

余言。應氏婦在時事。余內子如其姑。然相親相愛。衣裳飲食針線。澣滌動輒與俱。宛若閨中良友。獨是婦爲富家女。余家麤足衣食。兩人徒以同艱。孕育互爲憐惜。每酒闌燈灺。共坐牽衣。無端感觸。欷歔泣下。若有死生患難。存乎其間。內子亦爲余言。每對應家女。心柔意惻。逢彼淚痕。縱橫余亦不知何心。淒然淚下。猶記某日。命僮僕市菓餌。不當意。姑至前。懷慙却步。寬以御下。多類此。比其歿也。舅姑以下。皆失聲呼爲賢孝。余內子思之。爲尤甚。敢邀惠于下。執事而錫之。

一言按古人乞銘必先之以狀以婦之賢孝身狀之
 嫌乎尊父母在夫不敢私其妻所謂止乎禮也叔姑
 尊矣親親賢賢閨中記述信而有徵所謂發乎情也
 孺人生于 年 月 日卒于 年 月

日是宜銘

銘曰淑慎爾儀非關保傅女子從夫中心孺慕移孝
 于親是為賢婦婦德不愆令名無斁爾舅爾姑憐伊
 霜露靈藥難逢顏膏不駐惟此叔姑柔腸牽顧誰為
 爾銘布衣林璐

林恭人墓誌銘

太史邵君遠平之婦林恭人以癸丑五月六日卒於
 京師其子扶柩歸厝朝川以待吉壤恭人吾妹也於
 是諸甥來乞銘嗚呼余惡足以銘汝母諸甥頰首言
 曰微舅氏誰知吾母者若不獲命而使塚中片石竟
 作無字碑耶乃不獲辭蓋恭人與余同出高祖奉直
 大夫瑞菴公後恭人曾祖杞由潁州守武昌階四品
 祖自榮巳酉副車貢入太學父兆熊郡諸生母丁氏
 余從父苦無子年三十七筮室楊始生恭人恭人年

十二始舉子曰靜福。恭人異母弟也。初恭人失怙，鞠於養母。性至孝，事如母。及弟生，與諸母共相調護。年十九，從父爲恭人相攸，得太史。太史年亦十九，以春秋擅名諸生間。恭人弟七歲，善屬文，以五經歷試，使者怪其能，復試以春秋經藝。吾家先世皆習大戴禮。先王父抱沖公與恭人曾祖嫡姪也，同齒同學。萬曆丁酉，同以戴記舉於鄉，同出一座主。一門羣從，無有治他經者。乙未五月六日，太史就婚，更以春秋善本授余弟。從父嚴，一不當，常撻之流血。恭人哀其幼，恒

暱屏間而泣。丁酉，太史以春秋舉於鄉，歌鹿鳴而歸。拜太公堂下，僦居湫隘，復迎太公於外家。張樂燕飲，恭人乘間言曰：妾從夫久，姑蚤世不獲侍養，幸有舅在，僦舍以棲，妾背負芒刺者三年於茲矣。君已舉孝廉，而父猶別居，被此名也，以出可乎？鬻嫁時裝，市宅一區，迎其舅居焉。太史屢下第，遊學四方。恭人拮据勤苦，得甘脆以養舅，懷中子女呱呱而泣。太公性剛嚴，子弟燕見，畏督過，進退作踣涼狀，獨賢恭人勞問。新婦多溫語，甲辰太史成進士，讀中秘書。恭人操作

如昔。姻黨賀曰。身爲貴人婦。何勞苦至是。恭人笑謝曰。猶作小書生授書月一囊粟。恐不給吾代供子職。何敢暇逸。以貽吾舅憂。丁未。奉其舅就養京師。未暮而卒。恭人故質弱。臨喪哀慟。苦脇痛。戊申。扶柩歸。道路嚴寒。淚與冰合。及再至京師。念昔先人時深感愴。無何。余從父計聞。痛哭仆地。疾時作時止。遂不起。垂歿。屢顧諸子女。握太史手曰。妾父逝矣。幸念外家毋相忘。畢。生孝慈無失德。云。太史寓書於余曰。吾在京師。夢婦如平居。覺而淚承睫。始吾結縵。五月六日。不日辰時。年僅三十有七。丁未。遇

覃恩誥封宜人子二長錫蔭國學生娶謝氏次錫榮國學生娶張氏女二是宜銘銘曰

從此一別黯。然銷魂離鸞孤鶴。灑淚聲吞。惟此孝慈。彤管未存。丹穴鳳雛。接武西崑。寒山片石。勒汝墓門。

來烈婦墓銘

臣無二君。妻無二夫。經世之大防也。世衰道微。若可鋤而去之。以委蛇于其間。而人類幾乎息矣。子夏曰。事君能致其身。身為君有。則委其身以事君。猶之守其身以事君。臣道也。亦妻道也。蕭山烈婦。姓來氏。父曰逢期。許字西陵。諸生沈驤。烈婦喪母。甲申。迎壻。結縞。明年乙酉。江上大用兵。烈婦家長河。聚族謀曰。冠山可避。湘湖可隱。烈婦方娠。身不果遷。明年丙戌。父與壻欲避。會稽龍尾山。先行謀寓舍。而烈婦已舉子。

五月三日。王師渡江。潰兵滿野。烈婦與嫂何氏。艤舟于門。不得出。急語嫂曰。名不可涅。身不可辱。吾與嫂。魂魄登冠山。望夫歸矣。呼婢玉蘭。汝若無恙。可坐此。以待爾主。抱幼子而泣。急牽嫂衣。沉湖波深處。越數日。驥微行至湖口。見故時婢臥渡頭。告以故。屍浮水面。兩人猶聯袂也。裹布被。掩于土穴。明年丁亥。遷入木屍。尚如生。兄哭其妹。父哭其女。夫哭其妻。道傍過者。皆爲泣下。嗚呼。臣之事君。猶妻之事夫。說者謂臣不敢不忠乎君。猶之妻不可身辱乎夫。然吾讀史至。

受禪。勸進自黃初。作俑延及五季。罔知臣節。未嘗不嘆息痛恨於若而人也。史稱陳江總。隋裴矩。晉馮道之三臣者。爲醮婦所羞。然則婦之身。可一辱乎。有明末造。朝紳媚闕。卽棄熹廟。而醮闕。越甲申朝。紳迎闕。卽背思陵。而醮闕。卒賴皇朝一雪君仇。何圖二女子同心。自矢。甘效汨羅。以潔其身乎。越三十有餘年。其子世楷。請于父曰。男爲人後。母氏大節。幸載邑乘。塚前片石。非林先生。無以銘吾母者。銘曰。天崩地坼。青龍木猴。天塹飛來。再納薰蕕。迎鑾

畫錦兒戲浮漚市人節度田父兜鍪豈無謀國衆口
咻咻宵人竊柄覆車相侔誰謂巾幗大節是求身不
可辱重於公侯山摧石斷霧結雲愁湘湖清泚二女
翱遊凡百有位鑒此清流

楊孝廉逸仲合葬墓誌銘

有明制科歷二百七十七年自洪武至南渡凡五癸
未文皇癸未靖難兵初定方大興詔獄試逾期英宗
癸未棘闈災改期八月如期者惟嘉靖萬曆二科至
崇禎癸未烽火照畿南上允廷臣議復詔改春官試
於秋吾鄉孝廉楊先生逸仲計偕北上舟覆韓莊聞
幾殆抵京師以疾卒汪孺人爲先生鞠遺孤逮事兩
世堂上生事死葬無留憾後先生二十有九年始卒
康熙庚申其子汪度乞余銘余辱從嗣君遊雖不文

歲寒堂存稿 卷十一 九
惡敢辭。余聞漢詔郡國歲舉孝廉。當時已謠曰。舉孝廉。父別居。刺不孝。而不及廉。余竊謂孝可爲也。廉可爲而不可爲。廉則砥名節。嚴取予。嘗苦貧。明季士人甫鄉舉。略作色。畏孝廉。如避驄馬。以故井里白頭父。老談往事。屈指先生真不愧孝廉。嗟乎。河山邈爾。俯仰餘哀。如此人曾不得四十。迄於今後生輩。無由見其風流也。先生清真恬淡。丰儀如裴衛。工臨池。摹二王。疊疊逼真。歲癸酉登賢書。是時先生與孺人事父母。逮事王父母。一堂四世。先生更推恩錫類。伯母如

母兄歿而撫其遺孤。有姊有弟。友于婉曲。以慰父母。宗黨稱曰。孝要亦天性然哉。而刑于之化實逸美焉。先生蹶公車者再。庚辰分校薛公所蘊。薦南宮第一。主者意未決。薛奮然曰。若其次。寧已之。撒棘招先生入謁。始悔曰。君親老家貧。吾悞矣。以二刺納先生袖。云千金可立致。先生南還。火其書。告父母曰。見豈以千金易會元哉。負郭田尚可供。饘粥其廉而有守。如此。辛巳年饑。道殣相望。徒步叩太守門請賑。聲淚俱下。太守卽以賑事屬先生。按先賢成法救荒。錢唐十

萬戶藉以首倡。乃先生日與家人屑麥爲糜飲。以甘旨奉大人。不減歲豐時。癸未改期。再上春官。篙師不戒。舟盡汨。至都門。疫作而疾遂不起矣。訃聞。孺人不欲生。遺孤自外傳歸。抱而泣曰。吾爲母。今兼父。未亡人。昔爲婦。今且兼爲子。爲孫。汝嗣此而不努力。詩書以繼。汝父卽吾異日。亦無以見汝父於地下。延名師督課。不少懈。旣長。益取友。文名噪甚。人皆曰。孝廉故有子。孺人凡爲子娶婦者。再嘗曰。門祚衰薄。冀蚤得孫耳。丁酉。嗣君秋試。復以爭元副榜。孺人嘆曰。汝父

子相。厄何後。先一轍也。吾老矣。屢佐汝當大事。頃者先人棺蝕於水。汝安乎。可亟遷高阜。嗣君卒如母教。武侯有云。鞠躬盡瘁。死而後已。孺人爲妻。其不愧茲言者歟。按狀。先生諱天驕。字逸仲。號路然。系出西楊。文貞公後六傳。至真一公。自泰和徙錢唐。爲楊氏始祖。再傳爲國泉公。登隆慶進士。李荊州多平反。詔籍江陵。奉行不苛。國泉公生聖譽公。先生爲聖譽公中子。登癸酉賢書。生於萬曆己巳。卒於崇禎癸未。孺人汪氏爲新安名族。父曰修竹。公生於萬曆戊申。卒於

康熙辛亥子汪慶丁酉貢士再入國學始娶丁再娶
張孫男某吾獨悲嗣君當父歿時年纔十有一耳哀
輯父遺事備且悉嗚呼故明末造中原苦盜東南憂
餉烈皇帝枝梧多難日御青衣治事當路大臣猶分
門戶任主上孤立江南縉紳方與諸儒生鈎黨爲文
社互相標榜先生慷慨饒經濟日聞羽檄交馳嘆息
扼腕至癸未而亂極矣上將祭廟黑氣墮鹵簿中未
踰月太廟神主或橫或倒鬼皆呼嘯而出乃至舉場
左右人鬼錯雜貿易者多得紙錢煌煌帝京擲掄至

此哀哉制科已絕而先生亦殞命於此猶憶歲己卯
余年十四方試童子先生作牘剡於吳令君培昌余
以病不赴又四年癸未補博士弟子而先生逝矣迄
今三十有七年而嗣君請余銘其先人之墓撫今思
昔爲之涕下沾裳也是宜銘銘曰西楊裔追前哲孝
廉婦貞苦節越兩朝始同穴宜爾子孫絲瓜瓞

稽山布衣沈苞先墓誌銘

在昔倪文正公有布衣交曰沈君苞先文正公殉命時沈君客京師絮衣破帽親視公大殮慟哭再拜畢以次哭周文節公及交河孟節愍公更走探親故存亡飛矢及於顛然後徒跣歸歸後徜徉故里三十有四年康熙丁巳得年八十三而卒其壻徐沁奇士也居恒念婦翁誼至高自爲狀乞余銘嗟乎世故流離道義寢薄若沈君者吾不得而見之矣及讀徐君狀乃知烈皇帝時以闖人詩句自陳詔獄者卽君之父

而君卽自請代繫之孝子也君諱象孫字苞先父曰
 良史母程繼母胡無出筵室顧生君君父少能詩醉
 卽揮毫無賢愚老幼乞詩皆與之天池老人見而歎
 賞呼爲小友其後自署曰清醇高士神宗中葉世無
 不知高士者沈君幼時事高士猶逮事王母王母冬
 月歿未殮伴臥屍側曰吾不忍其體之寒也高士奇
 之旣長補弟子員名藉甚同郡倪文正公方舉孝廉
 雅重之熹宗時高士老矣益嗜酒錢唐某作媚闖詩
 冊恐不得當日飲高士酒乘醉求爲竄易高士呵之

益治具轟飲長跪以請高士許之醒而悔已無及矣
 其後事敗下御史臺雜問株連者衆高士竟詣臺白
 曰此皆某醉時句爲人所給至此御史奇之命暫繫
 幕官舍埃命沈君更白御史求代繫時人歎曰酒徒
 義士故有孝子其後事竟解遊京師縉紳皆願客沈
 君咨其謀畫以籌國事午未間寇禍深矣發言盈庭
 無有主者時與文正公嘆息泣下甲申三月十六日
 城未陷孟節愍公招君飲且曰恐不能久見君賦詩
 贈曰涉世全無策對君惟有心可堪千載別兵火日

相尋。又曰。文章兼道義。吾友亦吾師。尊酒相逢處。愴然感舊時。越三日而諸公已上攀龍髯矣。君歸與季重王先生談往事。未嘗不流涕也。丙戌季重絕粒於孤竹菴。君益悲慟。嗣此放浪山水。更號曰明樵。甲辰屆古稀。親知奉觴上壽。笑曰。諸君祝我。幸偕我禮佛。共詣大能仁寺。見君列親屬。亡友姓氏。官爵。延僧梵唱。遙指甲申丙戌諸公曰。我卽至百歲。安能與若爭壽哉。其達識類如此。此亦可以槩君矣。君先世由蜀徙越。自成德公晦。生諭。官吳越鎮東節度使。九傳至宋少師文肅公紳。又九傳至君父良史。君娶章氏子三期。標期。模期。樂女二。一適章淳。一適徐沁。乃爲銘曰。君袖中三尺鐵。朋友誼不可滅。樵何處。稽山垵。笑世事。真蠓蟻。千百年。名不涅。

陳吉之墓碣

布衣陳君起昌家。貧傭書。自給數數。爲余書。一日再拜請曰。昔吾先子工臨池。乞書者履恆滿。今起昌爲人傭。以此愧吾父。雖然。自吾傭書三十年。愧吾書者多矣。敢爲先子乞一言。余感其意。謹識之。曰。君諱國棟。字吉之。祖綸。自鹽官徙錢唐三世矣。父明禹。母朱氏。君爲冢子。性孝友。與從兄國士同學。卽工書。旣長。見兄補諸生。益攻苦。遭亂離。廢業。獨臨池。結習未忘。素峭直。嘗面折人過。人敬畏之。然得財悉散。貧乏恆

語婦蔡曰。兄弟四人。吾一身也。宗族吾同氣也。母氏愛外家。吾母所從出也。死喪婚嫁。周卹惟謹。家東臯客來乞書。染翰若煙雲。意乃酣暢。閒居呼鄰父泥飲。柴門月色。每誦少陵句。命畫工繪爲圖。以自娛。延師教子。尊師有加禮。數餽遺。贍師孥。家益落。無倦容。歲凶。自備糜。出盛饌。飯師。君年五十八。以貧困死。親戚故人。無周卹者。起昌更從人學書。師辭去。起昌亟挽師裾曰。辰受經。午出學。書亡。父命也。歲終貸錢贈師。嗚呼。君可謂有子矣。林璐曰。昔王君公隱者。也不污以券吾言。

僧牛服子慎。梁伯鸞。何人哉。賃舂作食。彼皆甘之。君謂慙爾。父何如此。數公君子孫。當有興者。牽連書之。

毛少君墓碣

錢唐徐君鄴有哲配曰毛少君名媿字安芳稚黃先生長女也年十六歸徐甫七歲舅去爲僧奉姑惟謹且與夫佐姑畢婚嫁舅聞而賢之春秋四十以疾卒姑爲哭之慟初少君母胡坐蓐時大母冀得孫羣婢欲娛老人歡給曰男也及生少君大母保抱置懷中曰女詎不如男耶十餘歲窺父吟誄效之父戒之曰此非女子所宜逡巡謝不敢然父嘗與客唱酬伏帷中聽之益復了了旣于歸閨中暇時夫婦倡和懽愉

况。瘁。悉。寓。于。詩。族。叔。際。可。題。其。編。曰。靜。好。集。叙。而。藏。之。世。莫。知。少。君。能。詩。者。一。日。花。下。讌。集。小。姑。摘。宜。男。艸。奉。少。君。曰。嫂。能。詩。可。誅。此。以。迎。祥。少。君。笑。曰。詩。吾。神。明。爲。之。卽。吾。子。也。他。日。以。其。言。白。父。父。不。答。及。其。歿。也。追。憶。前。語。悲。之。爲。梓。其。詩。以。慰。九。原。嗚。呼。少。君。豈。獨。以。詩。稱。耶。母。病。割。股。以。進。者。三。自。念。艱。于。子。卽。爲。塚。置。貳。語。之。曰。舅。雖。逃。禪。豈。不。念。子。孫。哉。余。讀。其。詩。幽。閒。貞。靜。見。婦。德。焉。乃。至。欲。以。詩。爲。子。或。在。高。人。達。士。寄。托。感。懷。而。不。意。女。子。言。之。若。此。傷。已。先。是。今。

年。孟。春。少。君。誕。辰。西。陵。閨。秀。各。有。贈。言。少。君。喜。不。置。披。覽。數。過。曰。此。皆。吾。良。友。可。藏。之。以。時。晤。對。不。幸。季。夏。歿。諸。閨。秀。又。相。率。爲。詩。弔。少。君。賀。者。弔。者。忽。焉。嬾。易。徐。君。悲。可。知。已。玉。折。蘭。摧。女。也。末。歎。謹。次。其。事。以。刊。之。石。

毛繼齋先生墓碣

人無不欲傳其祖父。祖父賢則傳祖父。賢而子孫亦賢。則祖父之賢益傳。繼齋毛先生葬有年矣。墓門之石闕如其子先舒賢者也。欲傳信謬以屬璐。嗚呼。蔡中郎爲人銘類多官闕。今考其遺集碑銘四十餘篇。太傅胡廣一人耳。凡三篇布衣范史雲。園叔則郭有道各一篇。而乃獨稱郭公不愧繼齋先生布衣也。先朝神宗十有四年丙戌先生生。至康熙五年丙午易簀於豐樂樓故里。兩朝歲月公卿大夫處時涉世。凡

六七變先生爲善於鄉歷八十有一年臨終語其子曰吾胸中無纖芥負人事視趙清獻晨夕告天何如哉先生年十三而孤母張攜之依於宗老旣長配婦許力作起家割宅疏宗迎養三寡嫂五十載不少衰買山予親族給其葬有媢侮要挾者賓客皆怒先生恬然畀之金告人曰昔上蔡三十年始去一矜字僕聊假此治心耳性喜觀書至忠孝節義事必留連三復猶憶癸未元正朝里社廟貌傾頽出金二百餘緡求木或沮之先生勃然曰汝知何神乃宋殿司小校

施公全也賊相檜虐陷忠良肆姦誤國士大夫自胡侍郎而後震威懾伏江南義士僅見之一小校身雖被磔檜膽落矣且豐樂樓吾始祖侍御公南渡時卜居地也枌榆舊社神實依之甚矣見義有勇先生之謂歟先生少年時過責家主人翁出沽酒不至忽覩粧婦披帷出欲交語先生避之去許孺人促再往不覺吐其故亟捫舌曰吾過矣吾過矣以視司馬長卿元稹輩布衣與官閥賢不肖相去爲何如晚年嘗稱市有隱儒蓋自况云先生諱應鎬字叔成父慎齋故

自號繼齋錢塘人許孺人亦有賢德相與同操璐不
佞謹撰次先生行誼以從先舒之請無溢美焉勒之
墓門永垂千祀

錢孺人墓銘

山陰周子珮瑩之妻錢孺人卒。周子踵余門告曰。吾
婦在室爲孝女。于歸爲賢婦。中道棄捐。謀所以不朽
吾婦者。則惟先生一言。嗚呼。人無不喪婦。觀君戚乎
其容。如失良友。及覽孺人行誼。而知周子之銜哀。蓋
有不能已者。按孺人姓錢氏。爲武肅後裔。父應鼇。母
俞氏。幼時不苟言笑。家人以嚴見憚。年十八。事舅姑。
一準內則。周子食指繁。未明而起。從姑操作。若素所
嫻習者。退而勤女紅。至夜分不倦。父母家中落。輒語

壻曰恨妾不爲男子佐吾父妾侍君久觀君蕭疎嬾散家多煩劇而柔懦如婦人非所宜也孺人事親孝幼時禱于神愈母疾卽爲婦而織細餽遺相望于道卹寡嫂愛兄妹親歿而助謀窀穸其孝如此與周子結褵僅十六年哺二子一女而卒以嘔血死嗚呼余讀空同結腸之篇而知伉儷之篤也雖然舉今之世無不譽其妻者安仁奉倩千古情深若以爲令妻難盡信至父母稱爲孝女宜若可信矣然而膝下恩私美名易市身爲人婦親服從殺每見舅姑之愛婦也

嘗不如其愛女孺人歿數月而舅姑猶裹涕口賢婦不置而况乎其壻也孺人二子曰坦圻長聘葉氏臨終以不及事舅姑爲憾云是宜銘銘曰

年齒未暮三十有三須臾琴瑟情何以堪浮漚聚散墜鳥遺髮卜爾幽居臯亭之南墓門之下思婦采藍我不見兮花影空潭惟賢惟孝令德無慙佑爾後人光啓朝簪

歲寒堂存稿

卷十一

三

圖



